

حبر عبد

اوپنچی سنه ۷ ذی القعدة ۱۳۳۰ — ۵ تشرين اول ۱۳۲۸ — ۶۹ نومرو

قسط ۷۷

نوبرات عبد

بصره ولايتی مرکزینہ تابع قضالر محاکمندن قابل استیناف اولق اوزره ویریله جک حقوق و جزا حکملری ایچون ولايت مشار الیها استیناف محکمه سی مرجع استیناف اتخاذا اولمشدر . اشبو اراده سنیه نك اجراسنه عدلیه نظارتی مأموردر .

۱۶ شوال سنه ۳۳۰ و ۱۵ ایلول سنه ۳۲۸

محمد رشاد

صدر اعظم

عدلیه ناظری

غازی احمد خفاز

عبر الطیب

ایچ ایل سنجانچی بدایت محکمه سی جزا دائره سی ریئسی حسین وصفی افندینک وقوع استعفاسنه مبنی برینه درسم سنجانچی بدایت محکمه سی ریاستندن مستعفی سعدالدین و عشاق قضاسی بدایت محکمه سی جزا و تجارت دائره لری ریئسی اسعد افندینک كذلك وقوع استعفاسنه مبنی برینه تیمور حصار قضاسی بدایت محکمه سی مدعی عمومی معاونی حسن حسنی و تیمور حصار قضاسی بدایت محکمه سی مدعی عمومی معاونلککنه

طرسوس قضاسی بدایت محکمه سی مدعی عمومی معاونی حسن جزمی و طرسوس قضاسی بدایت محکمه سی مدعی عمومی معاونی مکتب حقوق عثمانی علی الاعلی درجه ، مأذون نردن یوسف کنعان و اورفه سنجانی بدایت محکمه سی اعضاسندن مصطفی شوکت افندیك مدت مأذونه سنی تجاوز ایتدیره رك محل مأموریتنه عودت ایتمه سندن طولانی مستغنی عدلیه یرینه مکتب حقوق عثمانیدن علی الاعلی درجه ده مأذون اسماعیل راسم واسقراپار قضاسی بدایت محکمه سی مدعی عمومی معاونی ارسلان نوری افندیك ترك مأموریت ایتمسندن ناشی مستغنی عدلیه یرینه مکتب حقوق عثمانیدن علی الاعلی درجه ده مأذون عبدالکرم ودرامه سنجانی بدایت محکمه سی اعضاسندن حسنی افندیك احوال صحیه سندن طولانی محل مأموریتنه عودت ایتامسنه بناء ینه مستغنی عدلیه یرینه ولایتی مرکز بدایت محکمه سی اعضای سابقه سندن صالح صفوت و سنجیه سنجانی بدایت محکمه سی اعضاسندن هکتور افندیك بالامأذونیت محل مأموریتندن غیوبت ایتمی یوزندن ینه مستغنی عدلیه یرینه ایپک سنجانی بدایت محکمه سی اعضاسندن ایکن استعفا ایدن میلووی و حوران سنجانی بدایت محکمه سی اعضاسندن ذکی افندیك مدت مأذونه سی ظرفده محل مأموریتنه عودت ایتمه سندن مستغنی عدلیه یرینه موصل ولایتی استیناف محکمه سی اعضا ملازمکنندن مستغنی عبده شگری وایدن ولایتی مرکز بدایت محکمه سی اعضاسندن اسعدبکک استعفا سنی یرینه لفظه قضاسی بدایت محکمه سی مدعی عمومی معاونی مکتب حقوق عثمانی علی الاعلی درجه ده مأذون صالح زکی واستاروه قضاسی بدایت محکمه سی مدعی عمومی معاونی علی دانش افندیك مدت مأذونه سنی بالامرار محل مأموریتنه عودت ایتدیکندن مستغنی عدلیه یرینه بغداد ولایتی استیناف محکمه سی اعضا ملازمکنندن استعفا ایدن علی تقی افندیك نقل وتعیین ایدلمش وبرزین وسینوب سنجاقلری بدایت محکمه لری جزا دائره لری رئیس لری یوسف جمال الدین ورشاد ذهنی واولوینه وجسرارکنه قضالری بدایت محکمه لری مدعی عمومی معاون لری احمد کمال الدین وموسی کاظم افندیك دخی بالموافقہ بجایش مأموریتلری اجرا قلتمشدر .

اشبو اراده سنیك اجراسنه عدلیه نظارتی مأموردر .

۱۸ شوال سنه ۳۳۰ و ۱۷ ایلول سنه ۳۲۸

محمد رشاد

عدلیه ناظری صدر اعظم

عبداللطیف غازی احمد مختار

قوانین و نظامات

موقت قانون صورتی

قانون جزائک آلتشنجی و آلتش آلتنجی ماده لرینه ۱۲ شوال سنه ۳۳۰ و ۱۱ ایلول سنه ۳۲۸ تاریخیه ذیل ایدلمش اولان مواد ایله مطبوعات جرائدک صورت رؤیت و محاکمه سنی متعلق اوله رق اصول محاکمات جزائیه مذیل و تاریخ مذکور ایله مورخ مواد قانونیه درسعادته ۱۸ ایلول سنه ۳۲۸ تاریخندن و طشره لرده ولایت غزنه لریله نشر ایدله جکی تاریخندن اعتباراً مرعی اوله جقدر .

اشبو قانونک اجراسنه عدلیه ناظری مأموردر .

اشبو لایحه قانونیه نك مجلس عمومینك کشادنده قانونیتی تکلیف ایدلمک اوزره موقراً موقع اجرایه وضعی اراده ایدرم .

۱۸ شوال سنه ۳۳۰ و ۱۷ ایلول سنه ۳۲۸

محمد رشاد

غابریل عبداللطیف دانش ناظم محمد باطل محمد جمال الدین غازی احمد مختار

صبری محمد فوزی سعید عبدالرحمن محمد مختار صالح خلیصی رشید ریاضا

مأذوناً آور و پاده در

تلیغات عمومی

عملیه نظارت جلیله سنده نظیر اوله سنه ۲۷ ایلول سنه ۳۲۸ تاریخنی تحریرات عمومی صورتیدر :

« بالعموم مأمورین و کتبه و مستخدمین فرقه لره داخل اولان و اولیانلرک فیابند

وظیفه مأموریتنه حصر اوقات و افکار ایله فرقه احتراصات و اختلافاته اشتراک

ومداخله دن کف ید ایتلرینه و عکس تقدیرده عزل ایدله جکاری لزومه دائر »

کرك پاتخنده كرك ولاياتده مستخدم بیوك و كوچك بالعموم مأمورین و کتبه و معلمین و سائر مستخدمیندن فرقه لره داخل اولانلرک داخل اولدقلری فرقه دن قطع دوام و علاقه ایده رك و فرقه لره داخل اولیانلرک بعدازین دخی هیچ بفرقه وجعیت سیاسیه دخول وانتساب ایتیه رك فیابند وظیفه مأموریتنه حصر اوقات و افکار ایله منافع مملکتی اخلاص ایدن فرقه احتراصات و اختلافاته اشتراک و مداخله دن قطعاً کف ید و کمال

بطرفی ایله ایفای وظیفه ایله جککری باورقه مختومه مافوقه بیان ایتملی و بوصورتله هر شعبه اداره مأمورین و مستخدمینک اعطا اید جککری اوراق قضا قائم مقاملری طرفندن متصرفله و متصرفلر طرفندن والیرله و والیر طرفندن ده مأمورلرک منسوب اولدقلری نظارتله کوندریله رک و نظارتلرده مستخدم مأمورین و کتبه و سائر مستخدمینده بوصورتله سندلر آلهرق بونلرک مأمورین قلملرنده بردفتر مخصوصه قیدیه بیانات و تعهدات واقعه دن صکره ینه سیاسی فرقه و جمعیت و قلوبلره دوام و بونلره متعلق ایشلر ایله اشتغال اید جکک مأمورین و معلمین و کتبه و سائر مستخدمینک و بویولده سند اعطاسندن امتناع ایدنلرک عزلی و یرلرینه بی طرف ذواتدن مناسبلرینک دائره لرجه علی الاصول بالاتخاب تعیینی مجلس وکلا قراریله تنسیب اولمشدر .

بواراده سنیه نک اجراسنه هیأت وکلا مأموردر . ۱۶ شوال سنه ۱۳۳۰ و ۱۵ ایلول سنه ۱۳۲۸

محمد رشاد

عبداللطیف	دانش	ناظم	محمد کمال	محمد جمال الدین	غازی احمد مختار
سعید	عبد الرحمن	محمد مختار	صالح خلوصی	رشید یاسا	غالب بیل
				بولندی	
			صبری	محمد فوزی	

کرك يا تختده كرك ولاياتده مستخدم بيوك و كوچك بالعموم مأمورین و کتبه و معلمین و سائر مستخدمیندن فرقه لره داخل اولان و اولمیانلرک فیابعد وظیفه مأموریتته حصر اوقات و افکار ایله فرقه احتراصات و اختلافاته اشتراك و مداخله دن قطعاً کفید و کمال بی طرفی ایله ایفای وظیفه ایله جککری باورقه مختومه بیان ایتملی و تعهدات واقعه دن صکره ینه سیاسی فرقه و جمعیت و قلوبلره دوام و بونلره متعلق ایشلرله اشتغال ایدنلره بویولده سند اعطاسندن امتناع ایدنلرک عزلی حقه دن مجلس وکلا قراریله تنظیم و تقدیم اولوب امضای هیون جناب پادشاهی ایله تصدیق بیوریلان اراده سنیه لایحه سی صورتی بالایه نقلاً تبلیغ اولنور .

عمليه نظارت جلیله سنه محاکم دربار مرکزیه ریاست و مدیریتلرینه ۲۷ ایلول سنه ۱۳۲۸ تاریخده وقوع بولده

تألیفات عمومی صورتی

« تاریخ تبلیغدن اعتباراً مأمورین و کتبه و مستخدمینک مأذونیت نظامیه لرینه مناسب زمانه تعلیقاً ختام و یرلرینه دائر »

مأمورین و کتبه و مستخدمین دولتک مأذونیت نظامیه دن مستفید اوله بیللملری مصالح حکومتک هیچ بوجه ایله خللدار اولماسیله مشروط و مقیددر عمومی سفررلک مناسبیله دوائر کتبه و مستخدمینک قسم

قسم تحت سلاحه اندقلری شو صروده مأموریندن بر قسمک ده مأذونیت نظامیه لرینی استعمال ایتک وسیله سیله موقع مأموریتلرندن انفکاک ایللری ایشلرک آتیا اقتحامی قابل اوله میه جق صورتده تداخل و تراکی انتاج اید جکی کوندن کونه مشهود و محسوس اولان تأخر تدریجیدن استدلال اولمقده در هر زماندن زیاده اظهار مساعی به احتیاج کوسترن بویله بر زمانده هیچ بر مأمورک مأذونیت نظامیه دن استفاده املنده بولمیه جفی حمیت مفضوره لر ایجاباتندن اولدیغندن حق نظامیلرندن زمان مناسبده استفاده ایتک اوزره بکوندن اعتباراً مأذونیت نظامیه به ختام و یرلشددر کیفیتک ایجاب ایدنلره تبلیغی متمنادر .

برایت محکمی خدادار سی عدلیاتی

ایله آلا متذرع محکمه تمیز اعدلیاتی

آراج قضای برایت محکمی خدادار سنه صادر اولده ۲۹ تشرین نالی سنه ۱۳۲۶ تاریخلی و ۲۰۳ نومردلی اعلام صورتی

بلارخصت معدن تحریات تشبث و حفریات اجرا ایلدکلری ادعاسیله مظنون علمهم اولان زعفرانیبولینک قراک محله سندن نمسه اوغلی روم ملتندن ایلیا ولد طودوری و اراجک کمود قریه سندن شعبان اوغلی عثمان و شعبان اوغللری آقان و محمد و بیقلی اوغلی صالح و مراد اوغلی رجبک قباحته لزوم محاکمه لرینه دائر مستطافه بن تنظیم و اعطا قلنان قرارنامه و اوراق متفرعه سی اجرای محاکمه طلبیه مدعی عمومی معاونلکی وکالتندن ۱۲ تشرین اول سنه ۱۳۲۶ تاریخنده محکمه به تودیع و اعطا قلمغله بالمطالعہ اجرای محاکمه لرلی بیک اوچوز یکریمی الی سنه سی تشرین نالیسنک یکریمی طقوزنجی بازار ابرتسی کونه تعیین قلندرق علی الاصول حقلرنده جلب مذکره سی تسطیر و املا قلندی .

یوم معین مذکورده مظنون علمهمک هیچ بریسی سبق ایدن دعوته مبنی اجابت ایتماش اولدقلرندن حاضر بولنان مدعی عمومی معاونی و کیلی پولیس احمد رفعت افندیکنک طلبیه غیاباً و علماً اجرای محاکمه به مباشرتله بوبابده کی قرارنامه قرائت ایتدیرلدی مظنونلردن شعبان اوغلی عثمانک ترلاسنی بلارخصت مظنون مرقومونک جمله سی قازمق صورتیله الی قیه قدر بر معدن چیقاروب اکدیر ناحیه سی مدیرلکی طرفندن تحریات اجرا ایلدیکنده برکوپ ایله یکریمی قیه قدر طوپراقله قاریشیق و قورشونه مشابه بر معدنک مظنونلردن مراد اوغلی رجبک خانه سنده موجود بولنوب هیئت اختیاریه به تسلیم ایدلمش اولمش و مظنون مرقومونک اشبو فعلی اجرا ایلدکلری ناحیه مدیریله قریه هیئتک ضبط ورقه سی و کندولرینک اقراری ایله مرتبه ثبوت واصل اولمش و حرکت واقعه لرلی ایسه قانون جزاک ایلکوز الی دردنجی ماده سی حکمی مستلزم قباحته

نوعندن بولنش اولدیغندن اصول محاکمات جزائیة قانوننک یوز یکریمی دردنجی مادهسی موجبجه لزوم محاکمه لینه قرار ویرلدیکنی حاویدر وکیل معاون مومی الیه بعد الاستماع میان اوراقده موجود ناحیه مدیرلکنک ۱۲ حزران سنه ۳۲۶ تاریخلی ایکی قطعه ورقهسی لدی القرائه مالی : کسود قریه سندن شعبان اوغلی عثمانک ترلاسنده زعفرانبولینک قراک قریه سندن نمسه اوغلی ایلیانک نظارتی آلتده اجرا ایدیلن تحریات اثناسنده مذکور ترلادن چیقاریلوب قلنج اوغلی اسماعیل خان سنه براقیلان واوزری کسودلی قره علی اوغلی خطیب علی افندی و بروسه لی محمد وقلنج اوغلی حسین و ترکه قریه لی پومال اوغلی صالح افندی طرفلرندن تمهیر ایدیلان بیوک قطعه ده بر عدد کوبک حضور لرلیله ناحیه مدیری طرفندن معاینه سی اجرا ایدیلرک مومی الیه ایله قریه لری مختاری طرفندن ینه صندوق تمهیر ایدیلرک کوب ایله برلکده مخلنده براقلیدنی وایچندن ال آیه سی قدر اوفاق بر پارچه کولچه ظهور ایدوب طرفلرندن وزن ایدنکله یوز یکریمی سکزی قیه بولندینی و زیری کسود قریه سی مختاری قلنج اوغلی شا کر و اعضا شعبان اوغلی عثمان وقلنج اوغلی مصطفی امضا و خاتملرنی موضوع ایدوکنی مبین و دیگر ضبط ورقه سی مالی دخی شعبان اوغلی عثمانک ترلاسنده زعفرانبولیلی ایلیا نام کسنه نک نظارتی التنده اجرا ایدیلان حفریات اثناسنده ظهور ایدن اوچ پارچه النون کولچه سنی مرقوم ایلیانک کوتوردیکی وارقداشلرندن مراد اوغلی رجبک بتکرار اوکیجه اورایه کیده رک بکچی براقیلان شعبان اوغلی محمد و بیقلی اوغلی صالحی بالاغفال حفریات اجرا سیله الیه قیه قدر کولچه یی چوال دروننده شعبان اوغلی اقان و بیقلی اوغلی صالح و شعبان اوغلی محمد معرفت لرلیله خانه سنه طاشتدیر ورق غائب ایدلکی کسود قریه سندن بروسه لی اوغلی مخبر رفعت طرفندن قائم مقامه تقدیم اولوب حواله ایدیلان اخبار نامه ده بیان اولغله جزیرانک اون ایکنجی کونی مرقوم رجبک خانه سی لدی التحریر تخمیناً یکریمی قیه ثقلنده طوپرافله قاریشیق و قورشونه مشابه بر کولچه ایله حفریات مخلندن چیقاراش قرق الیه قدر دوشمه طوغله دن ماعدا برشی اله ایدیلر مدیکی و مذکور کولچه ناحیه مرکزینیه نقل ایدلک اوزره قریه مختاری قلنج اوغلی شا کره تسلیم ایدلکی وزیر اکیذر ناحیه سی مدیری خلیل سامی و ناحیه ژاندارمه سی عباد و مختار قلنج اوغلی شا کر و مخبر بروسه لی اوغلی رفعت امضا و خاتملرنی موضوع ایدوکنی میندر بونک اوزرینه مطالعه سی صوریلان وکیل معاون مومی الیه ده مظلون علیهمک بلا رخصت ارض میری درونندن آثار عتیقه تحری ایدرک بر عدد کوب و یکریمی قیه مقداری طوپراق مخلوط قورشون والیه عدد طوغله نک دردست ایدلکی ناحیه مدیریتنک بوجه محرر ضبط ورقه سی مندرجانی و دعوتیه عدم اجابتلری دلالترلیله ثابت اولدیغندن تعیین جزالرنی طلب ایتش و شایان تحقیق بشقه برجهت کوریلر مامش اولغله ختام محاکمه افهام اولندی .

ایجاب کیفیت لدی المذاکره : مظلون علیهم مرقومونک ارض میری درونندن بلا رخصت آثار عتیقه تحری و حفریاتنه جرأت ایتدکری و عندالتحریر یدلرندن آثار عتیقه دن بر عدد کوب ایله یکریمی قیه ثقلنده طوپراق

مخلوط قورشون والیه عدد طوغله ظهور و دردست ایدلکیکنه دائر ناحیه مدیرلکنک ضبط ورقه سی مندرجانی و مظلونلر دن ایلیانک عین فعلدن طولای ۱۷ تشرین اول سنه ۳۲۶ تاریخنده صادر اولوب کسب قطعت ایدن محکومیت سابقه سنک موجودیتی و کندولرینک دعوتیه عدم اجابتلری دلالترلیله ثابت اولدیغندن آثار عتیقه نظامنامه سنک یدنجی ماده سی موجبجه مرقوموندن ایلیانک سابقه سنه مبنی بر هفته و دیگرلری عثمان و اقان و محمد و صالح و رجبک ده بشر کون مدتلرله حبسلرینه و ایتش غروش ضبط و یوز یکریمی غروش استنطاق و یکریمی غروش اعلام و ایکیوز قرق غروش صورت و تبلیغ خرچلری که جمعا درت یوز قرق غروش مصارف عاکمه نک مرقوموندن تحصیلنه و مصادره ایدیلوب قریه مختاری نزدنده بولنان اشیای محرره مذکور نک موزة هایونه تسلیمنه قابل اعتراض اولق اوزره غیاباً و متفقاً قرار ویریلرک صورت قرار متن نظامنامه نک قرائتیه و وکیل معاون مومی الیه ک حضوریه علی الاصول نفهم قلندی .

محکمہ نمبر ۲۲۸ تاریخ ۱۵۲۲

محکمہ نمبر ۲۲۸ تاریخ ۱۵۲۲ نومرولی اعمومی صورتی

« رخصت رسمیه استحصال ایتدکیزین آثار عتیقه تحری و اخراج ایدلرک حرکات
مبحوثه سی افعال مجموعه دن اولغله برابر اشیو فملک تعاق ایتدکی ماده نظامیه ده
حبس صراحتی اولدیغنه دائر »

اراج قضای بدایت محکمه سی جزا دائره سندن صادر اولان ۲۹ تشرین ثانی سنه ۳۲۶ تاریخلی اعلامک قضی حقدیه عدلیه نظارت جلیله سندن ویریلان امر تحریری اوزرینه اولیاده کی اوراق باش مدعی عمومیلک مأموریت بهیه سندن بالتبلیغ نامه محکمه تمیز استدعا دائره سنه تودیع اولغله مطالعه اولندی .

ذکر اولنان تبلیغ نامه ده بلا رخصت معدن تحریاتنه تشبث و حفریات اجرا ایتدکری ادعاسیله مظلون علیهم اولان ایلیا و عثمان و اقان و محمد و صالح و رجبک حرکت مثبت لرندن طولای آثار عتیقه نظامنامه سنک یدنجی ماده سی موجبجه مرقوموندن ایلیانک عین فعلدن طولای اکتساب قطعت ایدن محکومیتنه بناء بر هفته و رفقاسنک بشر کون حبسلرینه و مصادره اولنان مذکور المقدار اشیانک موزة هایونه تسلیمنه قرار ویرلدیکی منفهم اولش و حکم مذکورک ۱۰ نisan سنه ۳۲۲ تاریخنده نشر اولنان نظامنامه احکامیه منفسخ اولان ماده مذکور حکمنه تطبیقاً اتخاذ قرار اولنسی یولسر و مغایر قانون اولدیغندن بالتبلیغ اکتساب قطعت ایتدکی اکلاشیلان حکم مزبورک اصول محاکمات جزائیة قانوننک اوچ یوز قرق یدنجی ماده سی حکمنه توفیقاً بر موجب امر تحریری قضی لزومی کوسترلشد .

ایجابی لدی المذاکره درجه اولی محکمه سنجیه مظلون مزبور ایلیا ایله رفقاسنک مرتبه ثبوتده کوریلان حرکتلرندن طولای درجات متفاوتده حبس جزاسیله محکومیت لرینه و مصادره اولنان اشیانک موزة هایونه

تسلیمه دایر تنظیم اولسان سالف الذکر اعلامک قرار مجلده بیان وحکایه اولسان انارعتیقہ نظامنامہ سنک یدنجی مادہ سنده هیچ برکیمسه نک اشبو نظامنامہ ده تعین اولسان شروط واحکامه توفیقاً رخصت رسمیه استحصال اتمکسزین ممالک عثمانیه ده انارعتیقہ تحری و اخراج و بولری قسماً تملک ایدمه جکی محرر اولسنه نظراً اشبو ماده نظامیه حرکات مبحوثه نک افعال ممنوعه دن ایدوکنی مبین اولوب بوقیل حرکاته جرأت ایدنلرک حبسی صراحتی محتوی اولماسندن ناشی محکمه مذکورہ جه بوکا استدلاً مظنونلرک تحدید جزاسنه دایر اتخاذ اولسان قرارک بر ماده قانونیه به مستند اولمدینی آکلاشلمش و بوده مستلزم نقض احوال دن کورنش ایدوکندن اصول محاکمات جرائیه قانوننک اوچیز قرق یدنجی ماده سی موجبجه قرار مذکور اعلامنک بوسیدن طولای بر موجب طلب نقضه ۱۱ تموز سنه ۳۲۸ تاریخده متفقاً قرار ویرلدی .

ناظر طاعی سجاغی برایت محکمه سی جزا دایره سنده صادر اولاره ۲۹ مارت سنه ۳۲۸ تاریخ ۵۷
نومردلی اعلام صوریدر :

اسلحه ممنوعه طاشیدینی ادعاسیله مظنون علیه ادرنه نک کوزلبابا محله نندن سالم اوغلی حیوان جانبازی محمد پهلونک بر ماه مدته حبسیله بر لیرا جزای نقدی اخذینه دایر چورلی بدایت جزا محکمه نندن غیباً صادر اوله رق ۱۷ کانون اول سنه ۳۲۷ تاریخده اصول تبلیغی ایفا قلنان اعلام حکمنه عدم قناعتله محکوم مرقوم محمد پهلوان طرفدن بالاعطا ۲۴ کانون اول سنه ۳۲۷ تاریخده معامله قیدی سی ایفا قلنان استدعایه ایله طلب ودعوی اولنقله بو خصوصه متفرع اوراق لوا مدعی عمومی معاونانکندن محکمه مذکورہ جزا دایره سنه تودیع ایدلکله لاجل الحاکمه تعین اولان ۹ شباط سنه ۳۲۷ پنجشنبه کونی مدعی عمومی معاونی فوزی بک حضوریه متشکل محکمه به مستأنف محمد پهلوان بالورود علناً ووجاهاً اجرای محاکمه به ابتدارله لدی التدقیق حکم ابتدائی غیبی ۱۷ کانون اول سنه ۳۲۷ تاریخده تبلیغ و مستأنف طرفدن ویریلن استیناف استدعای ۲۴ کانون اول سنه ۳۲۷ تاریخده قید ایدلکی آکلاشملقه معاون مومی الهک مسبوق طلبی وجهله قبولی قرارکیر اولدقدن صکره اوراق لازمه دعوی صرعیله قرائت ایدیرلدی اعلام مستأنف بهک خلاصه مدلولی مظنون علیه محمد پهلوانک اسلحه ممنوعه طاشیدینی دایره استطاقده کی اقراری ایله ثابت اولدیندن بر موجب طلب قانون جزاک یوزالتمش التبعی ماده سی ذیلنک ایکنجی فقره سی موجبجه بر ماه مدته حبسنه ویر لیرا جزای نقدی اخذینه و یوزیکرمی غروش مضاف محاکمه نک کندوسندن تحصیلنه وروولورک اسلحه ممنوعه دن اولمسندن مصادره سنه قرار ویرلدیکنی حاوی و عرفحال مندرجانیده مصادره اولنان وروولورک ناملوسی اوزدورت یچق ساقیم اولدینی وقانون جزاک صوک تعدیلنده بر وروولورک ممنوع اسلحه دن عد اولنسی ایچون تعین اولنان اون بش ساتیمتروی تجاوز قیدی یالکیز ناملوسنک مساحه نه معطوف اولدینی وهرقدر اقدجه

بالراده سنیه موقتاً موقع اجرایه وضع اولنان ذیلده فشنگ یتاغی دخی داخل اولدینی حالده قیدی موجود وکندوسنه عادیاتی ادعا اولنان سلاحک مصادره سی دخی ۵ اغستوس سنه ۳۲۷ تاریخدن مقدم ایسده فشنگ یتاغی ایله برابر مساحه عاید بولنان مارالعرض قیدقانونی یالکیز ناملویه حضر ایدلک صورتیه تخفیف ایدلدیکی و تخفف جزا اولان قوانینک مابقنه شمولی قوانین و نظامانک نشر و اعلانه عاید نظامنامه نک ماده مخصوصه سی ایجابندن بولندینی حالده بو نقضات قانونیه به رعایت اولنمامی حبسیله مغایر قانون بولندیندن فسخیه برانته قرار اعطاسیله طبانجه نک طرفنه اعاده سی طلب و استدعائی محتوی و مطالعه نامه مندرجانیده عندالحاکمه بیان مطالعه اولنقی اوزره اوراقک تودیع ایدلکیکنی مشردرلر . مستأنف محمد پهلوان استدعای مندرجانی تکرار ایدر ایدوکنی سوبلیدی . مطالعه سی استفسار اولسان معاون مومی الیه مذکور وروولورک مساحه سنه دایر متن اعلامده بر قیده دسترس اولنه مدینندن حکمک بو نقطه دن فسخیه وروولور مجلندن جلب ایدیلرک بوراده مساحه ایدلسینی طلب ولدی السؤال مستأنفده محکمه نک عدااتی طلبدن بشقه دیه جکی اولمدینی سوبلکله تدقیقانک ختامی بیلدیرلدی .

ایجابی بالتذکر اسلحه ممنوعه دن اولدینی بیان ایدیلن وروولورک مساحه ایدیلرک حد نظامیدن افزون بولندینغه دایر نه میان اوراقده ونده ضبطنامه مندرجانیده برکونا راپور و صراحته دسترس اولنه مدینندن حکم ابتدائینک بوسیلله فسخیه وروولورک لاجل المساحه مجلندن حبسیله مساحه سی ضمننده مدعی عمومی لک مذکورہ اسطارینه و بوبابده اهل وقوف اولدینی آکلاشیلان تفنکیجی استراطی و فهم اوستلر نامه جلبنامه اسطارینه و محاکمه نک ۲۹ مارت سنه ۳۲۸ پنجشنبه کونه تعلیقنه انفاقله قرار ویریلرک تفهیم و یوم معلوم مذکورده مدعی عمومی معاونی فوزی بک حضوریه متشکل محکمه به مظنون محمد پهلوان بالورود علناً ووجاهاً اتمام محاکمه به ابتدارله ضبط سابق بعدالقرائه قرار منجذ ایجابندن اوله رق ورود ایدن وروولور مظنون محمد پهلوانه لدی الارائه کندوسنک اوزرندن النان وروولور ایدوکنی بیان لکله قرار سابق وجهله شاهد اولوب بالادعوه وروولری خبر ویریلن تکفور طاغلی یورکی اوغلی اوتوز سکرز یاشنده تفنکیجی استراطی و علی اوغلی التمش یاشنده تفنکیجی فهم اوستلرک طانیادقلری مظنونه قرابت و منابیت وعداوتلری اولمدینی سوبلرله تعریفات قانونیه دایره سنده اجرای تخلیفلرندن صکره منفرداً حضور هیئته النهرق بولردن استراطی اوستیه موجود لدی الارائه مرقوم مساحه ایدرک اون بش ساتیمتروون بر ملیترو فضل ایدوکنی و طوب ناملودن خارج اولوب یالکیز بیولی یری ناملو اولدینی بیان و دیگرری فهم اوستیه ده مذکور وروولور ارائه اولندقدن کندوسی ساتیمتروون آکلامدینی جهته مساحه ایدمه جکی و طوب ایله تیموری یری یری اولدینی تذکار ایلرله شاهدلرک شهادتلینه قارشو نه دیه جکی مظنوندن صورلدقه دیه جکی اولمدینی سوبلیدی . نتیجه مطالعه سی استفسار اولنان معاون مومی الیه موجود وروولورک اسلحه ممنوعه دن اولدینی اهل خبره نک

مساحه سندن و مرقوم محمدپهلوانك اعترافيله اكلاشيدايغندن قانون جزائك يوزالتمش النجى ماده ذيلى موجبجه تعيين جزائى طلب ايدلى .

لدى الاستيضاح مظلون محمدپهلوان طبانجه طاشيدي ايجون تذكره سى اولمايدىنى ويشقه ديه چكى بولمايدىنى سويلسيه ختام محاكمه تفهيم ايدلى .

ايجاب كيفيت لى المذاكره مستائب مرقوم محمدك اوزرنده در دست ايدلمش اولان و كنديسنه عايدى افاده سيله اكلاشيلان روولورك ناملوسى اون بش سائيم درجه سنده بولندينى اجرا قلنان مساحه ايله اكلاشلمش اولمسنه مبنى عدم مسئوليتته والده بولنان طبانجهك تذكره سى بولناماسندن طولايى انكده مصادره سنه و مصارف محاكمه كذا اخذينه محل اولمايدىغه قابل تميز اولق اوزره و جاهاً و اكثر بيله ۲۳ ربيع الاخر سنه ۳۳۰ و ۲۹ مارت ۳۲۸ تاريخنده قرار ويريله رك اصول تفهيمى جانب رياستدن علناً اجرا قلندى ديو تكفود طاعى استيناف جزا محكمه سندن صادر اولان اعلامك صورتيدر .

محكمه تميز استعداده سنده صادر اولان ۸ ايلول سنه ۳۲۸ تاريخى ۱۶۲۴ نومردى اعلام صورتيدر :

« مظلونك رخصتسز اوله رق روولور طاشيدينى محكمه جه مرتبه ثبوتده كورلديكى حالده

افعال ممنوعه دن اولان شو حركتدن دولايى تحديد جزائى لازمكديكنه دائر »

تكفور طاعى سنجاعى بدايت محكمه سى جزا دائره سندن استينافاً تنظيم واعطا ۲۹ مارت سنه ۳۲۸ تاريخنده امر تفهيمى اجرا قلنان الى يدى نومرولو اعلامك تميزاً تدقيقى طابنى حاوى محكمه مذ كوره مدعى عمومى معاونلكى جانبندن معطى استدعائمه و اوراق متفرعه سى باش مدعى عمومى مالك مأموريت بهيه سندن باتليغنامه محكمه تميز استدعا دائره سنده توديع اولمش و لى التدقيق مذ كور استدعا نامه ك مدت معينه قانونيه سى ظرفنده ويرلديكى اكلاشلمش ايدوكندن بالقبول تدقيقات تميزيه اجرا سنده ابتدار ايدلى .

اعلام مذ كورك خلاصه مالى اساحه ممنوعه طاشيدينى ادعا اولنان محمدپهلوانك تحديد جزائيه دائر بدايت لاهق اولان قرارك محكوم مرقوم جانبندن استيناف اولمشى اوزرينه نقصان تدقيقاتدن ناشى فسحيله اولبايده اجرا قلنان محاكمه و تدقيقات استينافيه نتيجه سنده مرقوم محمدك اوزرنده در دست ايديلان و كندوسنه عايد اولدينى افاده سيله اكلاشيلان روولورك ناملوسى اون بش سائيم درجه سنده ايدوكى بالمساحه اكلاشيدايغندن بختله مرقومك عدم مسئوليتته والده بولنان طبانجهك تذكره سى بولناماسندن طولايى انكده مصادره سنه قرار ويرلديكى متضمندر .

تميز استدعا نامه سنده مظلون محمدك طاشيدينى ثابت اولان روولووك ناملوسى اون بش سائيمتروندن زياده ايدوكى اهل خبره جانبندن بيان ايدلديكى حالده محكمه مذ كوره جه بوراسى نظر دفته آلمقسزين مرقومك عدم مسئوليتته قرار ويرلمسى مغاير قانون ايدوكندن بختله اعلام استينافيك نقضى طلب ايدلديكى بى تبليغنامه ده

دخى روولورك مساحه سى ايجون محكمه مذ كوره جه اهل خبره تعيين قلنان فهم اوسته سائيمترو حسابائى بيلمديكى جهته روولورى مساحه ايدمه چكى افاده ايدلديكى ديكورلرينك تعيينى صورتيله مساحه اجراسى اقتضا ايدركن بوكا رعايت ايدلمه مش وضبطنامه ده محرر اولدينى اوزره اهل خبره دن استرتى روولورك اون بش سائيمتروندن بر ميليمتره فضله اولدينى افاده ايدلديكى حالده فقره حكيمه ده روولورك يالكز اون بش سائيمتره طولنده اولدينى ذكر ايدلمش و بو طريقه لايحه تميزيه مندرجاتى وارد و بجا بولمش ايدوكى بيانيله اعلام مذ كورك نقضى لزومى كوستلشددر .

ايجابى لى المذاكره محكمه استينافيه جه مظلون مزبور محمدپهلوانك تحديد جزائيه دائر بدايت لاهق اولان حكمك فسحنى متعاقب مرقومك نردنده در دست ايديلن روولور ناملوسنك اون بش سائيمتروندن فضله اولوب اولمايدىنى تعيينى ضمنده جلب اولنان اهل وقوفدن فهم اوسته سائيمتره وقوفى اولمايدىنى بيان ايله سرد معذرت ايتسى اوزرينه ديكور اهل وقونك جلبى و يا خود جهت عسكريه به حواله كيفيت اولنهرق اورادن ويريله جك راپورك حكم اساسى اتخاذاي اقتضا ايدركن عندالاثبات صور محرريه توفيق معامله اولنقسزين ذكر اولنان روولور ناملوسنك اون بش سائيمترونى متجاوز ايدوكنه دائر تفنكجى استرتائى جانبندن رقعوبولان بياناته قارشى بونك اسلحه ممنوعه دن اولديغه قرار ويرلمسى و برده مظلون مرقومك بو روولورى رخصتسز اوله رق طاشيدينى محكمه جه مرتبه ثبوتده كورلديكى حالده افعال ممنوعه دن اولان شو حركتدن دولايى تحديد جزائى لازم كليركن يالكز مذ كور روولورك مصادره سنه قرار اعطاسيله اكتفا اولمشى يولسز و مستلزم نقض احوالدين اولوب تبليغنامه مندرجاتيله تميز استدعائمه سى محتوياتى وارد و بجا كورلمش ايدوكندن اصول محاكمات جزائيه قانونسك اوچيوز اون درنجى و اوچيوز اون طقوزنجى ماده لرى منظوقجه اعلام استينافيك اسباب محرره دن ناشى تفضيله احكام قانونيه دائره سنده ايفاي معامله اولنق اوزره اوراق متعاقه سبك محكمه مذ كوره به اعاده سنه و ايكبوز غروش اعلام خرچك بالاخره حقسز چيقه جق طرفدن اخذ واستيفاسنه ۱۱ تموز سنه ۳۲۸ تاريخنده متفقاً قرار ويرلدى .

آيين سنجاعى جرايت محكمه سى جزا دائره سنده صادر اولان ۵ ثانوى سنه ۳۲۷ تاريخى ۲۸۴

نومردى اعلام صورتيدر :

قره جه صويك چام مع كيره قريه سى جوارنده كى ميرى اورمانسك احراقنه سببيت ويرديكى ادعاسيله مظلون عليه اولان قريه مذ كورده دن قوربالقى حاجى يانفى اوغلى حاجى محمدك اوغلى خليل ابراهيمك برائنه دائر قضائى مذ كور جزا دائره سندن صادر اولان ۱۳ تشرين ثانى سنه ۳۲۷ تاريخ و يوز اوتوز بش نومرولو اعلام حكمى اورمان دائره سى طرفندن استيناف اولنغله اولبايده كى اوراق مع تفرعات مدعى عمومى معاونلكيك

۱۰ کانون اول سنه ۳۲۷ تاریخ و ایکروز ییش طقوز نومرولو مطالعه نامه سیله ۱۰ منه نارینه محکمه به تودیع قلمقله بالمطالعہ اجرای محاکمہ لری ایچون سنه مرقومه شهر کانون اراک یکریمی طقوزنجی کونی بالتعیین اولوجهله ایجاب ایدنلره جلبنامہ لر کوندردی ؛ یوم معین مذکورده مدعی عمومی معاونی رفیق بک حضوریلہ هیئت محکمه بروجه بالا بالتشکیل مستأنف آیدین اورمان اداره سی جانبین کوندربلن مساحه مأموری محمد افندی ایله مستأنف علیه قره صویک چام مع کیره قره سندن حاجی یانلق اوغلی حاجی محمدک اوغلی قرق بش یاشنده خلیل ابراهیم بالورود موجود بولم دقلری حالده وجاهاً اجرای محاکمہ علیه به مبادرت و اوراق دعوی لدی المطالعہ حکم ۱۲ تشرین اول سنه ۳۲۷ تاریخنده صادر اولوب ۱۳ تشرین اول سنه ۳۲۷ تاریخنده استیناف استدعاسی اعطا و معاملہ قیدیسی ایفا قلندینی اجرا قلنان تدقیقتدن آکلاشلماغه مطالعه سی صوریلان معاون مومی الیه مدت قانونیه سی ظرفنده اعطا و معاملہ قیدیسی ایفا قلندینی آکلاشلان استیناف استدعاسنک قبولی طلب ایلمکله ایجابی بالتذکر استیناف استدعاسنک اصول جزائیہ نک یوز سکسان بشنجی ماده سنده معین اولان مدت قانونیه سی ظرفنده اعطا و معاملہ قیدیسی ایفا قلندینی اوراق دعوانک مطالعه و تدقیقتدن مستبان اولغله بر موجب طلب قبولی قرار کیر اوله رق اوراق لازمه دعوی صره سیله ضبط کاتبی ذاتی افندی به قرائت ایتدیرلدی اعلام ابتدائینک عیناً مندرجاتی قره صو قضاسنک جام مع کیره قره سنک حدودی داخلنده کوز قیا نام محله قاریجی ملی میری اورمان قطعه سنده واقع ترلاسنده مزروع مصر داری محصولی حیوانات وحشیہ کلامک مقصدیلہ مذکور ترلا اطرافه یاقش اولدینی آتش اشبو بیک اوچوز یکریمی یدی سنه سی آغستوسنک یکریمی آلتنجی کونی مذکور اورمانه سرایتله احراقه وایکییک درتوز یکریمی بر ییحق غروشدہ ضرر ایقاعنه سببت ویردیکی ادعاسیلہ مظنون غیر موقوف طوتلش اولان مذکور چام قره سندن قوربالقی حاجی یانلق اوغلی محمدک اوغلی متأهل رنجبر قرق یاشنده خلیل ابراهیم حقنده مستنطقه اجرا قلنان تحقیقاتی متضمن تنظیم ایدیلن ۲۰ آغستوس سنه ۳۲۷ تاریخ و آلتش یدی نومرولو قرارنامه تفرعاتی مدعی عمومی معاونی وکالتدن ۲۰ منه تاریخنده محکمه نک جزا دائره سنه تودیع اولغله بالمطالعہ طرفین و شاهدلرینه علی الاصول تسطیر و تبلیغ ایتدیریلان جلبنامہ لره معین سنه مرقومه ایلولنک یکریمی سکزننجی چهارشنبه کونی تشکل ایدن هیئت محکمه مدعی عمومی معاونی وکیلی وظیفه سیله مکلف پولیس قومیسری معاونی احمد وفیق اندی حاضر اولدینی حالده طرفین بالورود اجرای محاکمہ علیه به مبادرتله مذکور قرارنامه قرائت ایتدیرلدی خلاصه مفادی مظنون مرقومک فعل مدعاه مجاسرتی والدہ سی آسیه و مذکور قره دن قوجه خلیل اوغلی خلیل ابراهیم وکوک علی اوغلی حاجی حسینک اخبارلری وضبط و کشف ورقه لری دلائله تحقق ایتدیکندن قانون جزانک ایکی یوز قرق سکزننجی ماده سنه توفیقاً لزیم محاکمه سنه و یکریمی غروش خرج استنطاقک اخذینه قرار ویرلدیکنی مبین ایدوکی کورلسی اوزرینه مدعی اورمان معاملات مأموری ابراهیم افندینک ادعاسنه بالمراجعه قاریجی ملی میری اورمان قطعه سنده واقع مظنون

مرقوم خلیل ابراهیم مصر مزروعاتی حیوان وحشیہ دن محافظه مقصدیلہ ترلاسی اطرافه یاقش اولدینی آتشک سرایتله اورمانک احراقه وایکییک درتوز یکریمی بر ییحق غروشدہ ضرر ایقاعنه سببت ویردیکی حین ایقاع حریقده تنظیم ایدلمش اولان ضبط ورقه سنده اسامیلری محرر اولوب مستنطقدن افاده لری ضبط ایدیلن شاهدلره مظنون مرقوم حریقک طرفندن وقوعنی اقرار ایلسی وضبط و کشف ورقه لریله آکلاشلدقندن صکره تعین جراسیلہ ضرر واقعک تضمینی طلب ایتمسنه قارشو استجواب ایدیلن مظنون مرقوم خلیل ابراهیم دخی کرچه حرمان جوارنده کی اورمانلقدن آتش ظهور ایتمش ایسه ده فقط کیمک طرفندن وقوع اولدینی بیلمدیکی کی کندی طرفندن دخی بویه بر احراق فعلی واقع اولدینی و طرفندن احراق حقنده دخی بر اقراری سبق ایتدیکنی افاده ایله کلیاً منکر جرم بولمسنی متعاقب ورود ایدن شاهد مذکور چام قره سندن کوک علی اوغلی اوتوز اوچ یاشنده حاجی حسینک طرفینه بر کونا قرابت و خصوصتلی بولمادینی بالاسؤال آکلاشلماغه مخلفاً لدی الاستماع بر کون اوکلن وقتی مظنون خلیل ابراهیمک مصر داری ترلاسنک اوستنده کی اورماندن آتش ظهور ایتدیکنی کویدن کورمش ایسه ده فقط کیمک طرفندن وقوعه کتیرلدیکنی آکلاسه مدیغندن اوصرده مظنون خلیل ابراهیمک زده اولدینی دخی بویه مدیکنی و حریقک مظنون مرقوم طرفندن وقوعی حقنده بر اقراری ایشتمدیکنی و بوندن زیاده ده بر معلوماتی اولدینی افاده و شهادت ایلسنه مبنی نه دیه جکلری طرفندن صورلدقده برشی دیه میه جکلری بیان و دیگر ورود ایدوب حضور محکمه به کتیریلن شاهد قریه مذکورده دن قوجه خلیل اوغلی التمش درت یاشنده خلیل ابراهیمک مظنون قانی اولدینی آکلاشلماغه بودخی مع التخلیف استاعنده بر کون اوکلن وقتی مظنون خلیل ابراهیمک ترلاسی قیلسنده آتش ظهور ایتدیکنی کورمسنی متعاقب محل حریق شتابنده اوراده مظنون خلیل ابراهیمی کورمدیکنی ویا لکیز بروالدہ سی بولندیقنی کوروب آتشک سبب ظهورینی بوندن صوردیغنده اوغلی مظنون خلیل ابراهیمک یافدینی آتشدن سرایت ایدهرک اشبو حریقک وقوعه کلدیکنی سولیدیکنی بالاخره اورمان قوریحیلریله مظنون خلیل ابراهیم اورایه بالورود برابرجه حرقی اطفای ایلدیکاری شهادت ایتمسنه مبنی نه دیه جکی مظنون صورلدقده والدہ سنک کندوسنه خصوصتی بولندیقندن آنک افاده سنه مبنی بولنان شهادت واقعینی قبول ایدمه جکنی افاده ایلمکله مدعی اورمان مأموری اطفای حریقده ژاندارمه حاجی حسین اوغلی محمدک دخی بولندینی بالتتحقیق آکلاشلدیغندن آنکده جلبنی طلب ایتمسی اوزره شاهده مظنون خلیل ابراهیمک والدہ آسیه نک تبلیغات اوزرینه کلدیکنی آکلاشلدیغندن معاون وکیلنک طلبیه بوندن بر ربع لیرا جزای نقدی اخذیلہ احضاراً و ژاندارمه محمدک دخی طایراً جلبلرینه و محکمه نکده سنه مرقومه تشرین اولینک بشنجی چهارشنبه کونه تعلیقنه بالتذکر اتفاسقه ویریلن قرار تفهیم اولمشدی . یوم معلق مذکورده تشکل ایدن هیئت حاکمه ده معاون وکیلی مومی الیه احمد وفیق افندی حاضر اولدینی حالده طرفین بالورود اتمام محاکمه به مباشرتله احضاراً کتیریلن شاهده چام قره سندن مظنون خلیل ابراهیمک والدہ سی طقسان یاشنده آسیه بنت محمد معلوماتی قیلسندن لدی الاستماع مظنون مرقوم

اوغلی خلیل ابراهیم حریق وقوع بولان محله کی داری ترلاسی ایچنده محصولی حیوانات وحشیه دن محافظه مقصديه کیجه لری بر قاج دفعه آتش یاقش اولدینی کلوب کوردیکنده قضا وقوعه سبیتی طبیعی اولدیندن بحثله یاقامسینی اخطار ایش ایسه ده دیکله مدیکنی وینه برکیجه عین محله یاقش اولدینی آتشک اطرافنده کی اورمانه سرایتله یاقمده اولدینی کویلرندن کوروب کیتدیکنده اوراده اوغلی مرقوم خلیل ابراهیم بولمیدینی و یاقمده آتش هر زمان ترلا ایچنده کی یاقدینی محلدن یوارلش اولان آتشی بر کوتوک اورمانه کیتدیکنی واورمانک احراقنه مذکور آتشی کوتوک سبیت ویردیکنی آتش موضوع محلدن ترلا خارجه قدر کوتوک یوارلدینی محلدن کوردیکی یاق علائله کور پارچه لرندن اکلادینی ولدی الاستفسار آتش یاقیلان ایشو مصر مزروع ترلادن ماعدا اوجوار و یقیننده مزروع ترلا بولمیدینی کی اقامت ایدر برکیسه دخی بولمیدینی و کندوسی هر قوشاق وقتی مذکور ترلای بکله مکده اولان مظنون خلیل ابراهیمه اکم کتوروب ینه عین زمانده عودت ایتدیکنی واورایه حرکتی هر وقت بوموال اوزرینه بولمیدینی وزمان حرقده اوراده برکیسه کورمیوب قارشوده حریق ایجه مسافلی ایکی چوبان کچی رعیتیمکده کورمش ایسه ده آتش دوشوره رک حریق بونل طرفندن ده وقوعه کلش ایدوکی احتمالی بولمیدینی شهادت و محکمه کوننده کله ماش اولدینی خبردار ایدمیکندن ایلر و کلدیکنی اثبات ایلکله بوکافارشو نهدیه جکی مظنونن صورلدقده والده سی مزبورنک کندوسنه اوتهدنبرو خصومتی بولمیدین شهادتی قبول ایدیه جکی افاده ایلسی متعاقب معاون وکیلنک طلبیه شاهده مزبورنک جزای نقدی دن عفو قرار گیر اولدقدنصرکه دیکر شاهد ژاندارمه محمد جلبنامه تبلیغ اولدینی حالده کلدیکی اکلادیندن وکیل معاون مومی الیهک سبق ایدن طلبنه مبنی شاهد مرقوم دن بر ربع لیرا جزای نقدی اخذیله احضاراً جلبنه و محاکمه دخی سنه مذکور تشرین اولینک اون ایکنجی چهارشنبه کوننه تعلیقنه بالتذکر اتفاقله ویریلن قرار تفهیم قلمشیدی . یوم معلق مذکورده بر سابق متشکل هیئت محکمه ده معاون وکیل مومی الیه احمد و فیک افندی حاضر و طرفین دخی موجود بولمیدقاری حالده اکمال محاکمه مبادرتله احضاراً ورود ایدن شاهد قره جو ژاندارمه افراندن حاجی حسین اوغلی قرق یاشنده محمدک طرفینه برکونا قرابت و خصومتی اولدینی اکلادیندن خلفاً لدی الاستماع آتشک اطفاسی ایچون چام کوبنه کیتدیکنده آتش سوندیرلش اولدینی اکلادیندن حریق یقین ترلاسی بولنان مظنون مرقوم خلیل ابراهیم بالجلب حکومت کتوردیکنی و بولده کندوسنه صورددیننده آتشک کندی ترلاسندن ظهور ایتدیکنی کی نه طرفدن کلدیکنی دخی آکلایه مدینی وحتی اطفایدرکن الیری دخی یاندینی سوبلدیکنی و بوندن زیاده بر افاده ده بولمیدینی شهادت و جلبنامه ایل کلامسی حسب المأموریه طهرده بولمیدین نشئت ایتدیکنی اثبات ایلکله شهادت واقعه یه نهدیه جکی مظنونن صورلدقده برشی دیه میه جکی افاده ایلسی متعاقب معاون وکیلنک طلبیه شاهد مرقومک جزای نقدیدن عفو قرار گیر اولدقدنصرکه ۲۲ اغستوس سنه ۳۲۷ تاریخلی واورمان بکچیلرله چام کوبلی قوجه خلیل اوغلی خلیل ابراهیم امضا و مهرلی ضبط ورقه سیله قره جو واورمان

مساحه مأمورلنک ۲۲ اغستوس سنه ۳۲۷ تاریخلی کشف ورقه شی قرائت ایتدیرلدی بونلردن ضبط ورقه سنک خلاصه مفادی محل حریق شتاب ایدیلرک اطفای ایدلش و تخمیناً بشیوز دونم محل محترق اولدینی و محتوی بولدینی بیک درتیوز اشیجارک شدتله فوران ایدن روزکار تأثیریه بر آنده یاندینی و اشیجار مذکورنک حیاتلرینه خلل کلدیکی کورلش و متجاسری مظنون مرقوم خلیل ابراهیم اولدینی اوراده کی ترلاسنده مزروع مصر دارینسی حیوانات وحشیه دن محافظه ایچون ترلاسنه متصل کونای دره دروننده کی قوریش چام و یچیکن آتشیوب صاووشمیدن مذکور حریق وقوعه کلدیکی اکلادیندن ووقعه چام مع کیره قریه سندن قوجه خلیل اوغلی خلیل ابراهیم و مظنونک والده سی آسیه و دشتبان حاجی حسین طرفلرندن مشاهده ایدلش ایدوکی وکشف ورقه سنک خلاصه مؤداسی دخی محل مذکورده محترق اولدینی کوریلان اشیجارک تضمینات بدلی ایکیبیک درتیوز یکریمی بر یچق غروشدن عبارت اولدینی مبین ایدوکی کورلدکن و مطالعه سی صوریلان معاون وکیل مظنون مرقوم ترلاسنه یاقدینی آتشک میری اورمانه سرایتله احراقنه سبیت ویردیکنی ثابت اولدیندن تعیین جزاسنی طلب ایتدکن و بالسؤال طرفینک دخی بشقه دیه جکلی اولمادینی اکلادیندن نصرکه ختام محاکمه تفهیم اولندی . ایجابی بالذاکره احراقنه سبیت ویرلدیکی ادعا اولنان چام کوی میری اورماننک مظنون مرقوم خلیل ابراهیم طرفندن وقوعه دائر حکمه کافی بر احوال ثبوتیه قانونیه تحصیل ایدمیکندن براتنه و مصارف محاکمه اخذینه محل اولمیدینه قابل استیناف اولق اوزره و جاهاً و متفقاً ۱۲ تشرین اول سنه ۳۲۷ تاریخنده حکم و قرار ویرلدیکنی میندر . استیناف استدعاسی مآلی دخی محکمه حضوبله اشتداد اولونان شهودک افاده لرینه نظراً مرقوم خلیل ابراهیمک ترلاسندن بشقه اوجوارده بر فردک بولمیدینی واورمان جوارنده دفعاتله حیوانات وحشیه دن برای محافظه یاقدینی آتشدن حصوله کتیردیکنی حریق اورمانلر سرایتله کلی بر خسارک ایقاعنه سبیت ویردیکنی تبیین ایلکده ایکن مرقومک براتنه دائر ویریلان قرارک موافق قانون و عدلت اولدینی جهتله استینافاً تدقیق و اداره نک حقوقک محافظه سی طلبنی متضمندر . مدعی عمومیلک مطالعه نامه سی محتویاتیده اولیاده کی برات قرار علیهنده محلی اورمان مأمورلنی جانبندن مدت قانونیه سی ظرفنده ویرلدیکی بالتدقیق اکلادیندن استیناف استدعایه سیله یکریمی برقطعه اوراق متفرعه سی بوکره ورود ایتکله اساس حقنده کی مطالعه قانونیه انشای محاکمه درمیان ایدلک اوزره طرفینک بالجلب اجرای محاکمه استینافیه لری طلبنی حاکمدر اعلام ابتدائی علیهنده نهدیه جکی مستأنف اورمان مأمورندن صورلدقده مظنونک ترلاسی دروننده حیوانات وحشیه دن وقایه یاقدینی آتشک اورمانه سرایت ایدرک احراقنه سبیت ویردیکنی والده سی طایشه نک افاده سیله و آتشک مرقومک ترلاسندن چیقدینی دخی کشف ورقه سیله ثابت ایکن بدایه مرقومک براتنه قرار ویرلشی مخالف بولمیدین حکم ابتدائینک فسخوله حقوق اداره نک محافظه سی طلب واستجواب اولونان مستأنف علیه دخی کندوسی اوکون ترلاسنده بولمیدینی و بالقاءدن حیقان آتشک ترلاسی جوارینه قدر کلدیکی اوغلی طرفندن خبر ویرلکله همان حیواننه بینوب محل حریق شتاب وکندی خرمانی

قورتارمق ایچون اوستی باشیده یاندیغی افاده ایلمسی ارزربنه اورمان مأموری کلامه مبادرتله مستأنف علیه آتشک خرمانه دخی سرایت ایتدیکنی افاده ایتمکده اولمسه وقسم اعظمک یاغمنه نظراً فعلک مذکور ترلادن چقیدی و مرقومک هر زمان حیوانات وحشیه دن محافظه ترلاسنده آتش یاقدیغی شاهدلر طرفندن درمیان ایدلمکده بولندیغندن حکم ابتدائیک فخیله تعیین جزاسی طلب ایلدی . بشقه جه شایان تدقیق جهت سازه کوریه مدیکندن مطالعه سی صوریلان معاون موسی الیه بدایه جریان ایدن محکمه ده مخلفاً استماع قننان شهودک شهاداتی و قرائت اولنان اوراق تحقیقه و الام ابتدائی مندرجاته نظراً مذکور حریق کیفیتک مستأنف علیه طرفندن وقوع بولدیغی درجه ثبوتده بولندیغی حالده قرار ابتدایده بلا اسباب موجب برائته قرار ویرلمسی فسخ حکمی مستلزم کورلدیکندن حکم ابتدائیک فسخیله یکیدن محاکمه اجراسنه طلب وادعا و طرفینده افادات سابقه لرندن بشقه بر دیه جکری اولدیغی اتیان ایلملریله ختام محاکمه تفهیم اولندی . ایجاب کیفیت بلندا کره قره جه صو قضاسنک چام مع کیره قریه سی حدودی داخلنده کوز قیاسی نام محله قریجه لی میری اورمان قطعه سنده واقع ترلاسنده مزروع مصر داری محصولی حیوانات وحشیه کلامک مقصدیله مذکور ترلاطرافنده یاقش اولدیغی آتش کچن آغستوسک یکریمی ایکنجی جمعه کونی مذکور ارمانه سرایتله طقوزبولالی عدد صاری چام و یوز الی عدد میشه اشجارینک احراقه و ایکبیک درتیوز یکریمی بر یحق غروش ضرر ایقاعنه سببیت ویردیکی ادعاسیله مظنون علیه اولان چام قریه سنندن حاجی یانق اوغلی حاجی محمدک اوغلی خلیل ابراهیمک بدایه برائته دأر صادر اولان حکمک اورمان اداره سی جانبندن مدت قانونیه ظرفنده استیناف اولمسی اوزربنه اجرا اولنان تدقیقات استینافیه نتیجه سنده هر نه قدر اورمان اداره سی جانبندن مظنونک حیوانات وحشیه دن محافظه سی مقصدیله ترلاسنده یاقش اولدیغی آتشک اورمانه سرایتله احراقه سببیت ویردیکی والدیه سی عایشه نک افاده سی و حرمانک قسم اعظمینک یاغش اولمسنه نظراً فعلک مذکور ترلادن چقیدیغی و مرقومک هر زمان حیوانات وحشیه دن محافظه ترلاسنده آتش یاقدیغی بدایه استماع قننان شاهدلرک اخباراتیه درجه ثبوتده بولندیغندن بحثله حکم ابتدائیک بالفسخ تعیین مجازاتی و مدعی عمومیلک جانبندن دخی بدایه استماع قننان شهودک شهادت محلفه لری و قرائت اولنان اوراق تحقیقه و اعلام ابتدائی مندرجاته نظراً مذکور حریق کیفیتک مستأنف علیه طرفندن وقوع بولدیغی درجه ثبوتده بولندیغی حالده مرقومک براتی جهت کیدلمسی مستلزم فسخ احوالندن بولندیغی اولوجهله حکم ابتدائیک فسخیله یکیدن محاکمه اجراسی طلب وادعا ایدلمکده ایدده بدایه استماع اولنان شهودندن علی اوغلی حاجی حسین الیه قوجه خلیل اوغلی خلیل ابراهیمک و ژاندارمه افراندن حاجی حسین اوغلی محمد فعلک صورت ایقاعنه دأر عدم معلومات بیان ایتدکاری کبی بلا تحلیف معلومات قیلندن استماع اولنان مظنون علیک والدیه سی آسیده اوغلی خلیل ابراهیم ترلاسی ایچنده محصولی حیوانات وحشیه دن محافظه مقصدیله کیجه لری بر قاچ دفعه آتش یاقش اولدیغی کلوب کوردیکنده بر قضانک سرزده ظهور اولمسی طبیعی اولدیغندن آتش یاقامسنی اخطاسار ایتش ایدده

مظنون دیکله مدیکی و بر کیجه مرقومک عینی محله یاقش اولدیغی آتشک اورمانه سرایتله یاغمنه اولدیغی کولرندن کوروب کیتدیکننده مظنون علمیی اوراده کوردوکنی و اوزاقدن ایکی چوبان کوروب آتشک بولر طرفندن وضع ایدلمسیده محتمل ایدوکنی بیان ایله مشاهده یه مستند قطعی بر افاده بولنامش و مظنون علیه دخی اول و آخر فعل مذکور ایکنار ایدوب مدعی اورمان اداره سی طرفندن مرقومک خارجده کیفیتک طرفیندن ایقاع ایدلایکنه دأر درمیان اولنان اقرارک عدم وقوعی اعلام ابتدائی مندرجاتندن آکلاشلمش و اورمان اداره سنک احتمالانه مستند بولنوب بر کونا دلیل قانونی تشکیل ایدمه یین ادعاسیله مرقومک تجزیه سی احکام قانونیه ایله قابل تألیف کوریه مامش اولدیغنه بنسأ مظنونک برائته دأر بدایه صادر اولان حکم بوصورتله موافق اصول وقانون کوریه لری صورت ادعاسی وجهله حکم مذکورک فسخی موجب بر کونا نواقص قانونیه کوریه مدیکندن حکم ابتدائی مذکورک تصدیقه و یوز اون غروش استیناف خرجک اورمان اداره سنه عائدیتنه قابل تمیز اولق اوزره و جاهاً و متفقاً ۲۶ کانون اول سنه ۳۲۷ تاریخده حکم قرار ویریلوب اصول تفهیمی اجرا قلندی .

حکمه تمیز استدعا دأر سننده صادر اولان ۱۳ ایل سنه ۳۲۸ تاریخ ۱۶۹۶ نومردی اعلام صوریه لری:

« اورمان دعوالرنده اورمان وکیل جانبندن ابراز اولان ضبط ورقه سی مندرجاتی

مدار احتیاج کورلدیکی صورته مذکور ورقه زیرنده مهرلری بولنان اورمان

بکچیلرینک دخی جلیله افاده لرینه مراجعت لزومه دأر »

آیدین سنجاغی بدایت محکمه سی جزا دأر سنندن استینافاً تنظیم واعطا و ۲۹ کانون اول سنه ۳۲۷ تاریخده امر تفهیمی اجرا قننان ۵ کانونانی سنه ۳۲۷ تاریخ وایکی یوز سکسان درت نومرولی اعلامک تمیزاً تدقیق طلبی حاوی لواء مذکور اورمان اداره سی جانبندن معطی استدعانا مه و اوراق متفرعه سی باش مدعی عمومیلک مأموریت بهیه سنندن بتبلیغنامه محکمه تمیز استدعا دأر سننه تودیع اولمش ولدی التدقیق مذکور استدعانا مه مدت قانونیه سی ظرفنده ویرلدیکی آکلاشلمش ایدوکنندن بالقبول تدقیقات تمیزیه اجراسنه ایتدار اولندی . اعلام مذکورک خلاصه مالی چام کوی میری اورمانک احراقه سببیت ویردیکی ادعا قننان خلیل ابراهیم طرفندن فعل مذکورک وقوعنه دأر حکمه کافی احوال ثبوتیه قانونیه تحصیل ایدمه مدیکندن بحثله برائته دأر بدایه ویریلان قرارک اورمان اداره سی جانبندن استیناف اولمسی اوزربنه اول باده اجرا قننان محاکمه و تدقیقات استینافیه نتیجه سننده موافق اصول وقانون اولدیغی بیانیله تصدیقه قرار ویرلدیکی متضمندر .

تمیز استدعانا مه سننده مظنون مرقومک فعل مذکور جراتی ضبط ورقه لری مندرجاتی ایله ثابت ایکن بدایه ویریلان برائت قرارینک محکمه استینافیه جه تصدیق اولمسی مغایر قانون ایدوکی بیانیله اعلام استینافینک نقضی استدعا ایدلیدیکی کبی تبلیغنامه دخی اعتراضات مذکور و وارد ایدوکی بیانیله اعلام میزبه ک نقضی لزومی کوسترلشدرد . ایجابی لدی لمذا کره درجه اولی محکمه سنجه میری اورمانک احراقه سببیت ویردیکی ادعا قننان مظنون

خلیل ابراهیمک فعل مذکورہ جرائنی اثبات ضمنندہ اورمان ادارہ سی وکی جانبندن ابراز اولان ضبط ورقہ سی مندرجاتی مدار احتجاج کورلمدیکی صورتہ مذکور ورقہ زیرندہ مهرلری بولنان اورمان بکچیلربنک دخی جلیله و بالتخلیف افادہ لربنه مراجعت صورتیله توسیعاً تحقیقات اجرایی ایجاب ایدرکن بویولده ایفای معاملہ اولقمسزین مظنون مرقومک نقصان تحقیقاتہ بناء برائتہ دائر ویریلان قرار ابتدائیک عندالاستیناف فسخیله نقصان مذکورک اکللی جہتہ کیدیلوبده تصدیق اولنسی یولسز و مستلزم نقص احوالندن اولوب تبلیغنامہ مندرجاتی ایله لایحہ تمیزیہ مؤداسی وارد و بجا کورنمش ایدوکنندن اصول محاکات جزائیہ قانونک اوچوز اون دردنجی و اوچوز اون طقوزنجی مادہلری موجبہ اعلام استینافینک بوسیدندن دولایی قضیہ احکام قانونیہ دائرہ سندہ ایفای معاملہ اولنق اوزرہ اوراق متعلقہ سنک محکمہ مذکورہ اعادہ سنہ وایکی یوز غروش اعلام خرچنک تعرفہ و تعایات مخصوصہ سنہ توفیقاً ایلرودہ حقسز چیقہ حق طرفندن استیفاسنہ ۱۹ تموز سنہ ۳۲۸ تاریخندہ متفقاً قرار ویرلدی .

مناسبت ولایتی مرکزہ ابیت محکمہ سی جزادارہ صدر ازلانہ ۲۴ نیسان سنہ ۳۲۸ تاریخلی ۱۶۴

نومرولی اعلام صورنیرہ :

برلہ قضایی بدایت محکمہ سی جزا دائرہ سندندن صادر اولان ۱۴ کانون ثانی سنہ ۳۲۷ تاریخ و اوچوز آلتش اوچ نومرولو اعلامک استینافاً رؤیت و تدقیقی محلی مدعی عمومی معاونکی جانبندن با استدعا ولایحہ طلب اولنسی اولبابده کی اعلام واوراق متفرعہ سی سالف الذکر استدعا نامہ ولایحہ ایله برلشدیریلرک مرکز بدایت مدعی عمومی لکینک ۴ نیسان سنہ ۳۲۸ تاریخ و ۱۲ نومرولو مطالعہ نامہ سیلہ مرکز بدایت جزا محکمہ سی استیناف قسمنہ تودیع قلمسی اوزربنه بالمطالعہ محاکمہ ایچون تعیین ایدیلان بیک اوچوز یکریمی سکزسنہ سی نیسانک یکریمی دردنجی صالی کونی محکمہ سی کلری ضمنندہ مظنون مرقومانہ جلب مذکرلری تسطیر و تیسیر قلمشیدی یوم معین مذکورہ ہیئت حاکمہ بالادہ اسامیسی محرر ذواتندن متشکل و بدایت مدعی عمومی رشدی بک حاضر اولدینی حالده مظنونان مرقومانہ تعریفات قانونیہ دائرہ سندہ تبلیغات ایفا قلندینی حالده کلدکلی آکلاشلغلہ مدعی عمومی مومی الہک طلی بالذاکرہ ویریلان قرار موجبہ محاکمہ نک غیباً اجراسنہ مبادرتلہ لدی التدقیق ۲۴ کانون ثانی سنہ ۳۲۷ تاریخندہ و جہاً صادر اولہرق استیناف استدعا نامہ سنک دخی ۲۵ کانون ثانی سنہ ۳۲۷ تاریخندہ برلہ بدایت جزا قلمنجہ معاملہ قیدیہ سی ایفا قلندینی اکلشلد قندنصرہ اوراق لازمہ ضبط کاتبہ جہراً قرائت ایتدیرلدی اعلام مستأنف بہک خلاصہ مالی مظنون علیہمدن غائب عن المحاکمہ کامل بن دستان شیرولرک سلیمانک عبدالرحیم و ترزلہ محلی چچولرک احمد و ویشنہ محلی شریف خیراللہک محله آرہ سندہ بلاموجب کورلتی و شمانہ ایدرک فرونجی حافظ آدمک اموال منقولہ سنہ

بالاختیار خسار ایلدکلی صورت افادہ لری وجلسہ اخیرہ مظنون صفیہ داخل محاکمہ ایدیلان علی کاشف و خلیل و ابراهیمک دخی حضور محکمہ ایفای شہادتندن استنکاف ایلدکلی پولیس دائرہ سندہ و امضالری تختہ ویردکلی افادہ سی تکذیباً عندالمحاکمہ بیاناتده بولنلری پولیس حافظ محمد علی افدینک شہادتیلہ ثابت اولمش و بولنلرک کامل و عبدالرحیم و احمد شریفک حرکتلری قانون جزاک ایکوز التمشنجی و علی کاشف ایله خلیل ابراهیمک حرکتلری اصول محاکات جزائیہ قانونک ایکوز سکسان دردنجی مادہ سی دلالتیلہ یتمش بشنجی مادہ سنہ موافق بولنمش اولغلہ کاملک اون یدی یاشندہ بولندیقی نفوس فیدندن اکلشلمسنہ بناء قرقچی مادہ نک صوک فقرہ سنہ توفیقاً حکم اولنان درت کونک ربی بالتزیر کاملک اوچ و عبدالرحیم و احمد و خیراللہک ددر کون حبسلیله اوزر بشلک جزای نقدی ایله محکومیتلرینہ و علی کاشف ایله خلیل ابراهیمک دخی یاریمشر آلتون جزای نقدی التمشنہ و جہاً قرار ویرلدیکنی حاوی و استیناف استدعا نامہ سنک مفادہ ده قرار مذکور مخالف اصول و قانون بولندیغندن فسخیله محاکمہ نک استینافاً رؤیت و تدقیقی استدعا سندندن ولایحہ استینافیہ مزایاسی ده محکمہ مذکورہ جہ شہادت کاذبہ دن دولایی مرقومانک مظنون صفیہ داخل دعوی و محاکمہ قلندقلری حالده حضور محکمہ ده اجرای شہادتندن امتناع و استنکاف ایلدکلی بیانیله اصول محاکات جزائیہ قانونک ایکوز سکسان دردنجی مادہ سنک معطوف علیہ اولان یتمش بشنجی مادہ احکامی موجبہ یاریمشر ایرا جزای نقدی ایله محکوم ایدلسی و مظنون علیہ مرقومانک شہادت کاذبہ ده بولندقلری پولیس دائرہ سندہ علیہلرینہ و حضور محکمہ ده اہلرینہ شہادات و بیاناتده بولنلری و شہاد صفیہ استماع اولنان پولیس نفرانندن محمد علی افدینک محلفاً سبق ایدن شہادت ششکینک و قہہ بی متعاقب متجاسر لرلہ صلحاً تسویہ مصلحت ایلش اولملری دلائیلہ ثابت محضاً سرقت مظنونلری تخلص ایتدیرلرک اوزرہ اہلرینہ شہادت کاذبہ ده بولندقلری ظاہر و بارز اولوب و حرکت واقعه لری قانون جزاک ایکوز سکساننجی مادہ سی حکمنہ تمامیله مطابق و موافق ایکن بوکا اجرای شہادتندن استنکاف معناسی مخالف قانون بولنغلہ اعلام مذکورک بالکسر جزای نقدی ایله محکومیتی شامل قسمک فسخی و مطالعہ نامہ مندرجاتی ده اثنای محاکمہ ده برشخص آخرک مظنون صفیہ داخل محاکمہ ایدلسنہ قرار ویرلدکده اصولاً مظنون صندالیہ سنہ اقعاد ایدیلرک استجوابی اقتضا ایلدیکی حالده شہادت کاذبہ افصالندن مظنونیتلرینہ قرار ویریلان خلیل و علی کاشفک بوصورت و صفیہ استجوابلری اجرا ایدلسامسی و موجب مظنونیتلری اولان فعلندن برائت ویا محکومیتک ینہ قرار ویرلمکسزین شہادتندن استنکاف ایدلایکندن بختلہ جزای نقدی ایله محکومیتک کیدلسی معغایر قانون اولغلہ حکم ابتدائیک فسخیله محاکمہ نک استینافاً رؤیتی مطالعہ سندندن عبارت اولدینی کورلدی مطالعہ سی استفسار اولنان مدعی عمومی مومی الیہ مطالعہ نامہ مآئی تکرار ایملک و ایشده شایان تدقیق بشقہ برجہت کوریلہ مامکله ایجاب کیفیت لدی المذاکرہ شہادت کاذبہ ده بولندقلری ادعاسیلہ مظنون علیہما اولان برلہ نک اوسط محلہ سندندن فرونجی حافظ آدمک قالفہ سی علی کاشف و ترزلہ محلہ سندندن قہوہ جی خلیل ابراهیمک بالحا کہ یاریمشر آلتون

جزای نقدی ایله محکومیتلرینه دائر پرله قضای بدایت محکمه سی جزا دائره سندن صادر اولان ۲۴ کانونانی سنه ۳۲۷ تاریخ و اوچوز التمش اوچ نومرولو قرارک استینافاً رؤیت و تدقیقی محلی مدعی عمومی معاونی طرفندن باستدعا طلب اولمسی واستیناف استدعاسی مدت قانونیه سی ظرفده ویرلمش ایسه ده استینافاً تدقیقی طلب اولنان مذکور قرار مرقومانک اصول محاکات جزائیة قانونک ایکوز سکسان دردنجی ماده سنک معطوف علیهی اولان یتمش بشنجی ماده سی موجبجه جزای نقدی ایله محکومیتلرینه متدائر اولوب بوایسسه قابلیت استینافییه یی حائر بولمادیغندن مذکور استیناف استدعاسنک ردینه ۲۰ جاذی الاول سنه ۳۳۰ و ۲۴ نیسان سنه ۳۲۸ تاریخنده متفقاً قرار ویریلرک صورت قرار جانب ریاستدن اصولاً و علناً تفهیم قلندی .

محکمہ تمیز استعداده سندن صادر اولان ۱۲ ایلول سنه ۳۲۸ تاریخ ر ۱۶۹۳ نومرولی اعلام ضرریدر :
« شهادت کاذبه جرمندن براتی متضمن اولان قرارک قابل استیناف اولدیغنه دائر »

مناسرت ولایتی مرکز بدایت محکمه سی جزا دائره سندن استینافاً تنظیم واعطا و ۳۴ نیسان سنه ۳۲۸ تاریخنده امر تفهیمی اجرا قلنسان یوز اوتوز بر نومرولو اعلامک تمیزاً تدقیقی طلبنی حاوی محکمه مذکوره مدعی عمومیلکی جانبندن معطی استدعایامه ایله اوراق متفرعه سی باش مدعی عمومیلک مأموریت بهیه سندن باتیلیغنامه محکمه تمیز استدعا دائره سنه تودیع اولمغله ولدی التدقیق مذکور استدعایامه نک مدت معینه قانونیه سی ظرفده اعطا قلندی آکلاشلغمغله بالقبول تدقیقات تمیزیه اجراسنه ابتدار ایدلدی اعلام مذکورک خلاصه مالی فرونجی حافظ آدم افندیکن فروغه بالدخول اکملکیرینی سرقت ایتک و طاتایسنی ایاق التنده چینمک ماده لرندن دولای مظلون اولان کامل ایله رفقاسنک اجرا قلنان محاکم لری انساننده شهادت کاذبه ده بولندقلری ادعا قلنسان علی کاشف و خلیل ابراهیمک جزای نقدی ایله محکومیتلرینه دائر بدایت لاق اولان حکمک حقوق عمومی مأموری جانبندن استیناف ایدلمسی اوزرینه سبق ایدن محاکمه و تدقیقات استینافییه نتیجه سنده مظلون مرقومانک اصول محاکات جزائیة قانونک ایکوز طقسان دردنجی ماده سنک معطوف علیهی اولان یتمش بشنجی ماده سی موجبجه جزای نقدی ایله محکومیتلرینه متدائر اولوب قابلیت استینافییه یی حائر بولمادیغندن بحکله اولبابده کی استیناف استدعایامه سنک ردینه قرار ویرلیدیکی متضمندر .

لایحه تمیزیه ده مظلونلره اسناد اولنان شهادت کاذبه فعلی مجازات تأدیبیه یی مستلزم افعالدن اولوب قابلیت استینافییه سی درکار بولندی حالده محکمه استینافییه جه حکم ابتدائی علیهنده اعطا ایلدکیری استیناف استدعا نامه سنک ردینه قرار ویرلمسی یولسز و مغایر قانون ایدوکندن بحکله اعلام استینافی مذکورک نقضی طلب ایدلیدیکی کی تبلیغنامده دخی عندالحا که مظلون مرقومانک حرکتلری شهادتدن استکاف درجه سنده کوریلرک اصول محاکات جزائیة قانونک یتمش بشنجی ماده سی موجبجه کندیلرندن یارمشر لیرا جزای

نقدی اخذینه قرار ویرلمش و بناء علیه اعلام ابتدائی قابل استیناف بولنامش اولدینی و لایحه مندرجاتی غیر وارد کورندیکی بیانیله ردی لزومی کوسترلمشدر .

ایجابی لدی المذاکره مندرجات اعلامدن منفعهم اولدینی وجهله درجه اولی محکمه سنجه شاهد صقیله جلب واستماع قلنان علی کاشف ایله خلیل ابراهیمک مدعی عمومیلک جانبندن شهادت کاذبه ده بولندقلرندن بحکله مظلون صقیله امر محاکم لرینک اجراسی طلب ایدلمش و اولوجهله محاکم لری اجرا قلنده رق اصول محاکات جزائیة قانونک ایکوز سکسان دردنجی ماده سی دلالتیه یتمش بشنجی ماده سنه توفیقاً جزای نقدی ایله محکومیتلرینه دائر اتخاذاولنان قرار شهادت کاذبه جرمندن براتی متضمن اولمسی اعتباریله قابل استیناف بولنش ایکن محکمه استینافییه جه قرار مذکورک قابلیت استینافییه سی اولمادیغندن بحکله اولبابده کی استیناف استدعایامه سنک رد اولمسی یولسز و مستلزم نقض احوالدن اولوب لایحه تمیزیه مندرجاتی وارد و بجا کورونمش ایدوکندن اصول مذکورک اوچ یوز اون دردنجی و اوچ یوز اون طقوزنجی ماده لری منطوقجه ذکر اولنان اعلام استینافینک بولندن دولای تفصیله احکام قانونیه دائره سنده ایقای معامله اولمقی اوزره اوراق دعوانک محکله اعاده سنه وایکی یوز غروش اعلام خرجنک تعرفه و تعلیمات مخصوصه سی حکمنه توفیقاً ایلروده حقسنر حقیقه حق طرفندن استیناف سنه ۱۶ تموز سنه ۳۲۸ تاریخنده اکثریتله قرار ویرلیدی .

تجارت اعدمانی

ایکنجی تجارت محکمه سندن صادر اولان ۱۷ ثانوی نالی سنه ۳۲۷ تاریخ ر ۳۰۷۷ نومرولی اعلام ضرریدر :

حال تصفیه ده بولنان مدالی باقه سی نام انونیم شرکتی تصفیه مأمورلری سابق سرفیچه مبعوثی یوسیوس ویاتکر سیده ری دیس و دعوی وکیلی عنکلوس یوانیدیس و آ . پنیاتوروس ویاتکر البرت هلینک و بالیه قره آیدین شرکتی دیرکتوری ریزوس افندیلر امضالریله درسعادت ایکنجی تجارت محکمه سنه اعطا و دفتر مخصوصک ۱۱ کانون نالی سنه ۳۲۷ تاریخ و اوچیک یتمش یدی نومروسنه معامله قیدییه سی ایفا قلنان عرضحاله حال تصفیه ده بولنان مذکور باقه نک وعده سی حلول ایتمش بر قطعه بونو موجبجه غلطده شراب اسکله سننده واقع اصنافه مخصوص قهوه خانیه یی تجارتکاه اتخا ایدن قومیسونجی قسطنطنیوس جیبی افندی ذمتنده اله جفی اولان یکرمی عدد عثمانی لیراسنک مع فائض و مصارف محاکمه و اجرت و کالت تحصیلی خصوصنک اجرای موقته تحت حکمه آلمسی طلب و استدعا قلنمقدنشای علی الاصول وقوعبولان دعوت اوزرینه یوم معینه مدعیلر طرفندن قرار انفساخندن اول و کرک صکره و مرکز و شعباتنده باقه نک له وعلیهنه اقامه اولمش واولنه حق

بالجمله دعاويدن طولاي هرصفتله حقوقی طلبه و وضع امضايه و تخليفه و ممیز و حکم و اهل خبره و سندیک نصب و تبدیله و آخری توکیل و عزله و حجزه و وضع و فکینه و پروتستو کشیده سنه و طلب افلاسه و قونقوردانو عقدینه محکوم بهک اخذ و قبضه و معاً و منفرداً ایفای و کالته مآذون اولقی اوزره ابرز اولنان ۱۴ کانونانی سنه ۳۲۷ تاریخ وبك اوغلی مقاولات محرر لکندن مصدق و کالته نامه ایله توکیل قلنمش اولان دعوی و کیلر لکندن پانده لاکي قوزمیدیس و یوانا کی پتریدیس و توخاری و غله ری افندیلردن یالکیز پانده لاکي قوزمیدی افندی بالوکاله و مدعی علیه قسطنطینوس افندی بالاصاله محکمه به کیلر یله و جاهاً اجرای محاکمه لرینه ایتدار و ادعایی مدعی و کیلی مومی الیهدن استفسار اولندوقده عرضحالی مندرجاتی تکرار و ۲۰ ایلول سنه ۱۹۱۱ تاریخ و التیش کون و عده دینی حاوی و یکریمی لیرایی ناطق بر قطعه بونویی مدعی علیه مومی الیه داین صفتیله بانقه به جیرو ایتیش و وعده سی حلونده دخی بر کونه تکلیفات قانونیه به محل قالماق اوزره طرفندن تأدیه ایدیلجهکی ناطق ارسال ایدیلکی بر مکتوبله تدین ایتیش و مذکور مکتوب الیوم نزدنده بولنماش اولدیغندن انکاری حالنده تکلیف ایدیلجهکی یمنیدن نکولی تقدیرده تحصیله حکم اولنمشنی طلب و تذکار ایلکله نه دیه جکی صوریلان مدعی علیه مومی الیه دخی مدعایی تأدیه سی لازم کلدیکی تقدیرده ویره جکی بالیان افاده شفاهی مقامنده بر قطعه لایحه ابراز و اعطا ایتیمکله لدی القرائه افادی اولامدیعلرک مدلی باقه سی انونیم شرکتک تصفیه مأمورلری اولدینی کندوسنجه مجهول بولندیغندن بوجهتک حضور محکمه ده اثباتی لازم مدن ایدوکنی و نایاً خصوص مذکور ثبوت بولدیغی تقدیرده مدلی باقه سی شرکتک اله جققرینی طلب و استحضار صلاحیت قانونیه لری اولوب اولمیدیغنده متردد اولدیغندن بوجهت محکمه جه تدقیق و برقراره ربط ایدلسی لازم کله جکی و نالسا مدلی باقه سی شرکتی ۳۲۷ تشرین اول سنه ۳۲۷ تاریخنده کشیده لرینی قبادوب تأدیاتی تعطیل و تسویه دیندن اظهار عجز ایتیش و حتی برطاق اصحاب مطلوب طرفندن بانقه نک اعلان افلاس طلبیله متعدد افلاس دعاواری اقامه ایدلش و هر قدر بعض مدعیلر اشبو دعاواریدن فراغت ایلش ایسه ده محکمه نک قانوناً حائز اولدیغی صلاحیتیه بناء مدلی بانقه سنک اعلان افلاسی اقتضا ایدوب اتمیه جکی خصوصیه رأساً قرار و یرمک اوزره بش ممیز تعیین و حساباتی تصفیه و معاملاتنی تدقیق ایتدیرمکه قرار و یرلش اولسنه و سائر باقه علیهنده کی افلاس دعاواری الیوم در دست رؤیت بولنسنه و بویه بر صروده مدلی باقه سی اله جققرینی طلب و استحضار حق و صلاحیتی و ذمتنده کی یکریمی لیرا آله جققی دعوی و تحویل اهلیت قانونیه سی قالماسنه مبنی دعاواری داخله نک ردینسه قرار و یرلشنی مشعر بولندیغی کورلمکله مدعی و کیلی مومی الیه اولاموکلرینسک تصفیه مأموری اولدقاری انکار ایدلمکده ایسه ده بوجهت تجارت و زراعت نظارتسک تذکره رسمیه سیله ثابت اوله جقندن مردود بولندیغنه و نایاً مدلی بانقه سنک نظامنامه داخلینسنه صراحت کامله و مقتضیه بولمقله برابر قانون تجارتک مواد مخصوصه سی مندرجاتیله دخی تأید ایدیلکی اوزره حال تصفیه ده بولنان آنونیم شرکتلرینه تعیین قلنان تصفیه مأمورلری شرکتک هیئت اداره سی مقامنه قائم اولسنه بناء مبلغ مدعایی طلب و دعاوایه قانوناً

صلاحیتدار ایدوکنه و نالسا باقه شرکت منفسخه سی علیهنه اقامه اولنان افلاس دعاواری هنوز نتیجه لندیکی جهتله دعاوانک مردود بولندیغی بیان ایدلمکده ایسه ده بر تاجرک محجوریتی استلزام ایدن خصوصات تاجر مذکورک محکمه جه اعلان افلاسنه قرار و یرلشیله حاصل اوله جققی و قرار افلاس صدورینه قدر بالطبع حال محجوریتده بولنیه جقغه بناء اقامه دعوی و طلب مدعایه صلاحیت قطعیه و کامله موجود اولدیغنه مبنی مدافعات واهیته ردیه مدعاسنک بر موجب اقرار اجرای موقته تحت قراره انمنسی طلب و انبا و ۲۰ کانون اول سنه ۳۲۷ تاریخ و حال تصفیه ده بولنان مدلی باقه سنه خطاباً تجارت و زراعت نظارتی طرفندن محرر بر قطعه تذکره ابراز ایتیمکله لدی القرائه مالی کانون اولک یدنجی کونی بانقه نک در سعادتده انعقاد ایدن حصه داران هیئت عمومیه سننده سرفیجه مبعوثی بوشو و بالبا معدن شرکتی مدیری آپامینیونداس ریزو و یا تکر آلبرت هلیسک و بخاردن اسپرا کی سیده ری دیس و دعوی و کیلی عنکلوس یوانیدیس و آپامیاطوروس افندیلرک تصفیه مأموری تعیین قلندیغی هیئت عمومیه ده حاضر بولنان قومیسرک اعطا ایدیلکی راپوردن آکلاشلدیغی مشعر بولندیغی کورلش و لدی السؤل طرفینک بشقه ده جقکاری بولندیغی اکلاشلش اولمقله ختام محاکمه لری افهام اولندی. ایجابی لدی المذاکره مدعی علیه مبلغ مدعایه نک ذمتنده بورجی اولدیغی بلا قرار انجق مدلی بانقه سنک افلاسی طلب اولندیغی جهتله تصفیه مأمورلرینه و یرمکده متردد بولندیغی در میان ایلش ایسه ده مدلی باقه سی تصفیه مأمورلری مدعیلرک اولدیغی تجارت نظارتسک مبرز تذکره سنندن مستبان اولدیغی کی تصفیه مأمورلرینک بانقه نک مطلوباتی تحصیل و تعهداتی ایفایه مکلفیتلری مدلی بانقه سنک نظامنامه داخلینسک اوتوز اوچنجی ماده سی اقتضاسندن بولندیغنه و باقه علیهنه افلاس قراری و یرلمکجه محجوز عد اوله میه جقغه بناء محله جایله نک بیک سکیز یوز اون یدنجی ماده موجب اقرار مدعایه یکریمی لیرانک مدعی علیهنه تحصیله و اصول محاکمه حقوقیه نک یوز اوتوزنجی ماده سی موجب جقجه حکم و اقله موفقه اجراسنه و بوبابده کی بروجه مفردات مصارف محاکمه نک مدعی علیه عایدته ۱۷ کانونانی سنه ۳۲۷ تاریخنده و جاهاً و متفقاً قرار و یرلهرک طرفینه تفهیم قلندی .

انجمن عدلیه مقرانی

انجمن عدلیه ده صادر اولانه ۲۷ مارت سنه ۳۲۸ تاریخنی و ۵۶۳ بومرولی قرار صورته بر :

« متقاعدین و معزولینک خمس معاشلری دیون ثابته سی ایچون قطع ایدلمکده ایسه نفقات محکومه نک معاش اصلینک نصفه قدر توفیقی صورتیله استیفا سی مناسب اولدیغنه دأثر »

امور حقوقیه مدیرینک انجمن عدلیه به حواله بیوریلان ۱۰ نیشان سنه ۳۲۸ تاریخنی مذکره سیله اوراق متعلقه سی مطالعه و تدقیق اولندی .

خلاصه مالی متقاعدین و معزولینک نفقه دن متولد دیونانندن طولای معاشلرندن خسندن فضله قطعیات

اجرا ايدىلوب ايدىليه جكنى بعض دوائر اجرائيه جه بالتردد استفسار معامله ايدىلكده اولديغىدن بحث ايله اجرا قانونىك اللى اوچىجى ماده سنك آلتىجى فقره سى مقامه قائم اولارق علاوه اولنان فقره اخيره قانونيه ده معزولين ومتقاعدین وایتم وارامل معاشرينك خمسین زياده قطع اولنه مایه جنى محرر اولوب او زمانه قدر اسكى تقاعد نظامنامه سنك صراحتنه بناء تقاعد معاشارندن و آكا قیاساً ده معزولين وایتم وارامل معاشارندن دین ایچون توقیفات اجرا اولنماقده ایکن تقاعد قانون اخیرنده خمس معاشك قطعنه جواز ویریلرک نفقه مسائلى حقنده نه یولده معامله اولنق لازم کله جكنك تصریح ایدله سى مارالعرض ترده بادی اولمقده و واقعا دیون ثابته سى ایچون ربع معاشى محجوز اولان مأمورینك محکوم اوله جقلى نفقه ایچون معاشك دیگر اوچ ربعنه تجاوزه اولنه جنى حقنده کی ماده مذیله نفقات محکومه نك هر نه صورتله اولورسه اولسون ممتازاً تحصیل وتأمینی مقصدینه معطوف اولغله صورکردن علاوه اولنان سالف العرض فقره قانونیه حکمنده ده ساری اوله جنى طبعی کورلمکده اولسنه و آنجق نفقه نك دیگر اوچ ربع معاشدن استیفاسی صراحت قطعیه سى محتوی اولان ذیل مذکور حکمی شورای دولته وقتيله تفسیراً نصف معاشه یعنی دیگر بر ربعه قصر و تنزیل ایدلمش اولسنه و معاشات مبحوثه نك دین ایچون توقیف اولنه بيله جك مقداری ایسه قانوناً خمس نسبتنده ارانه اولسنه کوره تقاعد و معزولیت معاشارندن نفقه ایچون نصفه قدرمی یوقسه دیگرنده کی نسبت قانونیه کوزه دیلرک ایکی خمس قدرمی توقیفات اجراسی لازم کله جکی محتاج حل بر مسئله بولنسنه بناء کیفیتک بر کرده انجمن عدليه جه بالتذکر حلیله تعمیماً دوائر اجرائیه تبلیغات ایفاسی لزومی میندر .

ایجابی لى التذکر تفصیلات مبسوطه نظرآ انجمن عدليه جه حل ایديله جك مسئله متقاعدین و معزولین معاشارندن نفقه ایچون نصفه قدرمی یوقسه مأمورین معاشاتی حقنده کی شورای دولتك تفسیرنده کوسریلان نسبت وجهله ایکی خمس قدرمی توقیفات اجراسی کیفیتندن عبارتدر .

نفقه متعلق حکمرك دیون ثابته سندن دولای ربع معاشی قطع اولنان مأمورینك دیگر اوچ ربع معاشندن دخی قطعی صورتيله اجراسنه اجرا قانونه مذیل ماده قانونیه ايله مساع کوسرلمش ماده مذ کوره احکامی مطلق اولدینی جهته نفقه عائد حکمرك دیگر اوچ ربعدن اجرا مأمورینك تنسیب ایده جکی مقدارک قطعی صورتيله اجراسی مجاز اولدینی حالده ماده مذ کوره احکامك شورای دولته آنجق دیگر بر ربعه شمولی اوله جنى بولنده تفسیر اولنسنه مبنی دوائر اجرائیه جه اولوجهله ایفای معامله اولنمقده و نظارت جلیله لری جانبندن اخیراً تنظیم قلزان اجرا قانونی لایحه سى ده بویولده برصراحتی احتوا ایلکده بولنسنه نظرآ متقاعدین و معزولینك خمس معاشلری دیون ثابته سى ایچون قطع ایدلمکده ایسه نفقات محکومه نك معاش اصلینك نصفه قدر توقیفی صورتيله استیفاسی مناسب بولنیدینی تذکر قلندی اولباده .

انجمن عدليه صادر اولده ۳۱ تموز سنه ۳۲۸ تاریخى و ۳۳ نومرولى قرار صوریندر :

« مأمورین عدليه نك امور مأموره سنه تعلق ایدن تحقیقاتک پولیس و ژاندارمرله

معرفیهله اجراسی قوانین موجوده احکامنه مخالف الدویغینه دایر »

قدس شریف استیفاف مدعی عمومیا کندن مقام نظارت جلیله لرینه تقدیم اولنان و ظهرنده و امور جزائیه مدیرینك مطالعه نامه سى محترمی بولنان ۱۱ شباط سنه ۳۲۷ تاریخلو تحریرات انجمن عدليه تودیع بیورلمقده مطالعه و تدقیق اولندی .

تحریرات مذکور نك خلاصه مالی مأمورین عدليه حقارنده وقوع بولان شکایات اوزرینه اجرا ایديله جك تحقیقات ابتداییه جلب و استجوابنه لزوم کوریلوب دعوت عادیه اجابت ایتمیان اشخاص حقارنده مدعی عمومیلرجه احضار مذ کوره سى تسطیر ایديله مامسنه و احضار مذ کوره سى اولمقجه جهت ضابطه جه احضار اشخاصدن امتناع ایدلمکده اولسنه نظرآ استیفاف کیفیتى متضمن و امور جزائیه مدیرینك مطالعه نامه سى مدلولی دخی بوشللو احوالده پولیس و ژاندارمره کی ضابطه عدليه مأمورلرینك برینك اعزامی و یا استنابه صورتيله معامله ایفاسنك مناسب اوله جنى مبنی اولدینی کورلدى .

ایجابی لى التأمل مأمورین عدليه نك امور مأموره سنه تعلق ایدن تحقیقاتک پولیس و ژاندارمرله معرفیهله اجراسی قوانین موجوده احکامنه مخالف اولسنه مبنی امور جزائیه مدیرینك مطالعه مذ کوره سى وجهله معامله ایفاسی موافق حال و مصلحت اولمیه جغه بالاتفاق قرار ویرلدى .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنك لیسته سى

اوراق نومرولى	اسامی محاکم	ممیز	ممیز علیه	نوع قرار	تاریخ قرار
۲۸	برات بدایت	سوطیر	عمر حامد شوزطه	تصدیق	۲۵ مارت سنه ۳۲۸
۲۷	کلیک بدایت	مصطفی	بنیه خانم	نقض	»
۲۸	قره سى استیفاف	خرستو	یورکی	نقض	»
۲۷	حیفا بدایت	حاجیب السیقلی	سلیمان افندی	تصدیق	»
۲۸	در سعادت استیفاف	حاجی علی پاشا	فرهاد افا	نقض	»
۲۸	سرفیچه بدایت	اوقاف اداره سى	علی	»	»
۲۷	سلطانیه بدایت	یحیی بک	یوسف	»	»

اوراق نومروسی	اسامی محاکم	ممیز	ممیز علیه	نوع قرار	تاریخ قرار
۲۲۶	منتشا بدایت	یورکی	تودور	نقض	۲۵ مارت سنه ۳۲۸
۲۷۰	دیرالقمر بدایت	جبرائیل	قیصر	تصدیق	"
۲۸۱	کوکلی بدایت	ملا حسن	خروش	"	"
۲۸۶	ارزنجان بدایت	وارطان	وارطاوان	تصدیق	۲۶ مارت سنه ۳۲۸
۲۸۷	ادرنه استیناف	حسن بك	محمد كامل افندی	نقض	"
۳۸۵۶	سیروز بدایت	احمد افندی	شفیقه خانم	نقض	"
۲۷۰۰	اطنه استیناف	یوان	اغصه	نقض	"
۱۰۷	چارسنجاق بدایت	بغوص	جمال بك	تصدیق	"
۲۲۰	ساقز بدایت	قسطنطی	قالی و یورکی	"	"
۱۳۳	خداوندکار استیناف	مالیه خزینہ سی	رستم اغا	"	"
۱۶۷	بصره بدایت	قاسم چاپی	مالیه خزینہ سی	"	"
۸۶	طاشلیجه بدایت	محرم	مالیه خزینہ سی	نقض	"
۷۶۹۱	المالو بدایت	صالح	هاشم افندی	"	"
۲۱۹	معدن بدایت	انسطاش	یاصف	رد	۲۷ مارت سنه ۳۲۸
۲۷۵	دراج بدایت	ابراهیم جوجه	صالح جوجه	رد	"
۳۷۶۲	زیله بدایت	شوقی و رضا بک	زینب خانم	نقض	"
۹۹	اراج بدایت	مالیه خزینہ سی	مصطفی افندی	"	"
۲۰۴	خداوندکار بدایت	طناش	بغوص اغا	"	"
۱۹۰	لازستان بدایت	دیون عمومیه اداره سی	احمد افندی	"	"

اوراق نومروسی	اسامی محاکم	ممیز	ممیز علیه	نوع قرار	تاریخ قرار
۳۷۸۳	قسطمونی استیناف	اورمان اداره سی	سلیمان چاوش و سائرہ	رد	۲۷ مارت سنه ۳۲۸
۱۳۷	کملیک بدایت	طراسپولوس	میچو	نقض	"
۲۸۲	ارزنجان بدایت	محمد	حسن	"	"
۱۹	دیاربکر تصحیح قرار	دیون عمومیه اداره سی	حاجی محمد افندی	"	"
۴۹	سلانیک تجارت	اورام	لباهو و سائرہ	تصدیق	"
۳۱۴۴	بولی بدایت	نوری افندی و محمد بك	حاجی عبداه بك افندی	نقض	"
۳۸۹۳	ادرنه بدایت	محمد ذهنی افندی	بخور ایساق	تصدیق	"
۱۲۱	در سعادت استیناف	اسپرو	پیرام افندی	تصدیق	"
۶۱	صندقلی بدایت	عثمان بك و احمد افندی	خلیل افندی	رد	"
۱۸۰	البستان بدایت	حاجی محمد افندی	دورمش افندی	نقض	۲۸ مارت سنه ۳۲۸
۲۷۳	بوی اباد بدایت	عمر افندی	احمد افندی	"	"
۲۵۶	کوکلی بدایت	فاطمه خاتون	مصطفی چاوش	"	"
۲۵۸	بالیه بدایت	استانی ایلدا	انس قالدین	"	"
۱۲۷۷	حیانه بدایت	جمال افندی	مالیه خزینہ سی	"	"
۲۷۲	اونیه بدایت	ابراهیم	کیرہ قوچی	نقض	۲۸ مارت سنه ۳۲۸
۱۷۱	زور بدایت	خلف الشماده و سکام	وبس افندی	"	"
۲۸۴	کوربجه بدایت	یورکی	نیقولا کی	"	"
۲۰۶	وودینه بدایت	نیقوله	اطناش کورکی	"	"
۲۸۳	پیلمار بدایت	پنایوط	پانی دہتری	تصدیق	"

اوراق نومروسی	اسامی محاکم	مميز	مميز عليه	نوع قرار	تاریخ قرار
۲۸ ۲۷۱	صامسون بدایت	واسیل وسائرہ	بنیاد	تصدیق	۲۸ مارت سنہ ۳۲۸
۲۸ ۳۸۳۰	بارطین بدایت	علی	علی	نقض	۲۸ مارت سنہ ۳۲۸
۲۸ ۱۳	اربعہ بدایت	عوادیس اغا	نشان اغا	تصدیق	۲۸ مارت سنہ ۳۲۸
۲۸ ۹۴	ایلبصان بدایت	بورای	نیقوله	نقض	۲۸ مارت سنہ ۳۲۸
۲۷ ۳۶۷۸	قرچوہ بدایت	مافسیم	اچو طان	تصدیق	۲۷ مارت سنہ ۳۲۸
۲۷ ۲۹۴۲	بوغازلیان بدایت	غابریل	ابراہام	رد	۲۷ مارت سنہ ۳۲۸
۲۷ ۳۶۰۱	سلط بدایت	محمد	عبدالقادر	نقض	۲۷ مارت سنہ ۳۲۸
۲۷ ۳۵۰۴	قرچوہ بدایت	فاطمہ وسائرہ	ذوبقہ	تصدیق	۲۷ مارت سنہ ۳۲۸
۲۷ ۳۸۱۱	اقحصار بدایت	شا کر اوغلی ورثہ سی کاٹوم			۲۷ مارت سنہ ۳۲۸
۲۷ ۲۷۸۳	کوربجہ بدایت	ناقو	اندریو		۲۷ مارت سنہ ۳۲۸
۲۸ ۲۶	طاشلیجہ بدایت	رسومات ادارہ سی	علی وادم	نقض	۲۸ مارت سنہ ۳۲۸
۲۸ ۲۱۶	ادرنہ استیناف	طراندا فیل	دیمتری ورثہ سی	رد	۲۸ مارت سنہ ۳۲۸
۲۸ ۲۲۹	رازاق بدایت	نیقوله	یوان لازار	نقض	۲۸ مارت سنہ ۳۲۸
۲۸ ۲۷۰	کوکلی بدایت	محمد افندی	علی افندی		۲۸ مارت سنہ ۳۲۸
۲۸ ۲۶۹	اسپارته بدایت	پاندالاک	ایپو قرادہ افندی	رد	۲۸ مارت سنہ ۳۲۸
۲۸ ۲۷۹	اربعہ بدایت	قیابک وعزت افندی	اخلاویس غریب پاپویس		۲۸ مارت سنہ ۳۲۸

(مابعدی وار)



قسط غیر مستحق

اجانبک تبعہ عثمانیہ ویا حکومت سنیہ علیہنہ و عثمانیلرک اجانبہ قارشو

ایقاع ایلدگری جرائم

— کچن نسخه دن مابعد —

شومواد عہدیہ نک صراحتہ نظراً انشای محاکمہ ترجمانک حضوری لابدر ؛ فقط حین مذا کردہ ترجمانک حاضر بولنہ جغہ دائر برکو ناقد و اشارت موجود دکلدر . ذاتاً اشبومساعدات اجانبہ بخش ایلدلیکی زمان ممالک عثمانیہ حاکم منفرد اصولی جاری و طبیعت مصلحت اعتباریہ مذا کرہ غیر واقع اولسنہ مبنی اوصیرہ ترجمان حاضر بولنہ جغہ حقدہ برصراحت درج ایدلک احتمالی دہ منتفیدر ؛ امتیازات و مساعدات بابتہ قیاس و تفسیر طریقہ بر حکم استخراجہ ایسہ علم حقوق نظرندہ هیچ بر مساعی یوقدر . فضلہ اولہرق سالف الذکر مادہ لردہ استماع ورؤیت تعبیرلری سوق واستعمال ایدلش و بولنردن اولکیسی یالکیز محاکمہ وایکنجیسی محاکمہ ایلہ حکمک تفہیمی متضمن و مذا کرہ بی افادہ دن قاصر بولنشدہ .

ایستہ بوجی اسبابہ بناء باب عالی مقدما کرک حقوق و تجارت و کرک جزادعوالربنہ متعلق مذا کرہ اثناسندہ ترجمانلرک حاضر بولنلری اقتضا ایتیمہ جگہی ادما ایلش و کیفیت ۱۳ ذی القعدہ سنہ ۱۲۹۱ تاریخی مذکرہ سامیہ ایلہ تعمیم ایدلشدی ؛ لکن اشبو قرارہ قارشو سفارتلرک مشترکاً اعتراض واصرارلری اوزربنہ تعمیماً یازیلان ۲۲ ربیع الاول سنہ ۱۲۹۲ و ۱۷ نیسان سنہ ۱۲۹۱ تاریخی تحریراندہ « حقوق و جزا دائرہ لردنہ وقوعبولان استنطاق و محاکمہ دن صوکرہ مذا کراندہ ترجمانلرک بولندیرلما سی حقدہ شرفتسطیر بیوریلان مذکرہ سامیہ نک صورت مطبوعہ سی عموم صیرہ سندہ ۱۳ ذی القعدہ سنہ ۹۱ تاریخی ارسال قلنمشیدی . بکرہ شرفوارد اولان مذکرہ سامیہ کیفیت سفارتلرہ تبلیغ اولندقدہ متحدالمال جواباً کوندرمش اولدقلمری تقاریردہ قرار مذکورک عہود جاریہ و مرعیہ مغایر و مخالف بولندیغندن بحثلہ بعض کونا اعتراضات و مطالبات درمیان ایتش اولدقلمردن و اعتراضات واقعہ نک رفیعہ ایشک بر نتیجہ مرضیہ افرانغی ایسہ خیلی وقتہ محتاج بولندیغندن اول وقتہ قدر بعض اشخاصک دعاوی و مصالح واقعہ لری تأخردن قورتلق اوزرہ موقتاً ترجمانلرک مذا کراندہ حاضر بولنلری امر و اشعار بیورلش اولغلہ اول وجهلہ اجرای معاملہ اولنہرق مصالح واقعہ نک

حسن جریان خصوصیه همت « اولئسی اشعار وموقتاً قیدیه ترجمانلرک اثنای مذاکره حضورینه الی الآن ارأئه مساع ایدلمشدر .

۱۲۹۶ (م ۱۸۸۹) تاریخنده که اصول محاکمات جزائیہ قانوننک نشرندن صوکرهیه مصادفدر ، محاکم جزائیہ رؤسائی ترجمانلرک قرار محکمه زیرینه وضع امضا ایتلمری صلاحیتی قبول ایتاملرینه مبنی سفارتلر طرفندن وقوعبولان شکایت اوزرینه عدلیه نظارتندن تطیر قلنان ۲۸ مارت سنه ۱۲۹۷ تاریخلی تحریرات عمومیهده [۱] محاکم جزائیہ ودوائر استنطاقیهده ترجمانلرک قرار وضبطنامه واستجوابنامه زیرلرینه وضع امضا ایتلمرینه جواز کوسرلمشدر .

محاکم جزائییهده ترجمانلرک قرار زیرینه وضع امضا ایتلمی انجق حضورینی اثبات مقصدینه مستندومقررات صادریه بر شکل مرعیت وبرمک ومعاملات محاکمی تحت مرقبهده بولندیرمق کبی بعض سفارتلرک ترجمانلرک امضاسنه عطف ایتک ایتدکلری تأثیرات فعلاً مکذب ومردوددر .

حتی یونانستان ایله قونسولسلق مقاوله نامه سی عقد ایدلیدی صروده یونانیلر کندی پروژهرلرینه ترجمانلرک محکمه نیک وظیفه سندن خارج کورر ویا عهده مغایر بحال مشاهده ایدر ایسه قابلیت استینافیه ویا تمینیه سی اولیان مسائلده اولبایده کی قرار ی امضا ایتماک حقی حائز اوله جغی درج ایتشلر ایسهده ترجمانلرک تقدیر عندیسيله نه محکمه نیک وظیفه دار اولمادیغی ونهده دعواده مغایرعهود بحال موجود بولندیغی تعین ایدیه جگنی نظردفته آلان هیأت حکمیه جه تکلیف واقع قبول ایدیلرک مذکور قونسولسلق مقاوله نامه نیک یکریمی ایکنجی ماده سنده « مأمورین و محاکم عثمانیه حضورنده قونسولسوخانه مأمورینک حاضر بولنسی اصولی تبعه یونانیه حقنده ابقا ایدلمش اولدیغدن یونان قونسولسلری کندی مأمورلرینی مأمورین و محاکم عانده سی حضورینه کال استعجال ایله اعزامه مجبوردرلر . بومأمورک غیوبتی حالنده محکمه لری ایشک تدقیقی بالتأخیر تحریر آیکی بر دعوته نامه ارسال ایده جکلردر . اگر بوایکنجی دعوته رغماً قونسولسوخانه مأموری اثبات وجوددن امتناع ایده جک اولور ایسه محاکم مذکوره آرتق بونک ورودینه انتظار ایتماک صلاحیتی حائز اوله جقلر وحکم

[۱] ۹ جادی الاولی سنه ۱۲۹۸ و ۲۸ مارت سنه ۱۲۹۷ تاریخلی مذکور تحریرات بروجه آتی عیناً درج اولور: دعاوی محتلطه نیک حین استنطاق و محاکمه سنده حضور ی لازم کلان ترجمانلرک جلب اولنمقزین محکمه لرجه بعضاً حکملر ویرلمکده و ترجمانلر حضورنده وقوعبولان قرارلری حاوی ضبطنامه لریک آنلر طرفندن دخی امضا اولنسنه محاکم مذکوره رؤسائی مخالفت ایتکده اوله قلرندن بختله سفارتلرجه شکایت وقوعولفدهدر . اجنبیلرک محاکمه سنده ترجمانلرک حضور ی عهده لازم کلوب آنلرک عدم حضور ی تقدیرنده محاکمه نیک اجرایی مجاز اولیه جغه و آنلرک اثنای محاکمهده حاضر بولندقلرینی لدی الاقتضا اثبات ایچون امضالرندن دهامعتبر برشی بولنیه جغه مبنی استنطاق وضبط وقرارد ورقرلرینه حقوق وتجارت محکمه لرنده جاری اولان قاعدهیه توقیفاً ترجمانلرک طرفندن وضع امضا اولنسنک اصول اتخاذی قرارلشدیرلیدندن کیفیتک تعمیماً اشعاری امور جزائییه مدیرلکندن افاده اولنهرق ایجابی اجرا واشبو تحریراتک نسخ مطبوعه کافیه سی لفاً اسرا نلنمش اولفله نزدیکزده بولیان محکمه یه بالذات ولحقته کائن محاکم رؤسائیه مدعی عمومی معاونلری وساطتیه تبلیغ کیفیته مسارعت ایللمری سیاقنده .

واعلام ویا قرارلرینی اعطای ایده بیله جکلردر « صورتنده ترتیب ایدلمش و حضوردن امتناع ایله امضادن استنکاف عین ماهیتی حائز اولفله ترجمانلرک صدور ایدن قرار ی امضا ایتسه بیله بهمه حال انفاذی مقتضی بولندیغی یکریمی دردنجی ماده نیک « یونان قونسولسلری مأمورین و محاکم عانده عثمانیه طرفندن قونسولسلرک حقوق مصدقلری ایجابجه تبعه یونانیه علینه اصدار اولنسان حکم واعلام ویا قرارلری کال استعجال ایله اجراییه مباشرت ایده جکلردر « فقره سیهده تأیید ایدلمشدر .

ذاتاً ترجمانلرک جزا محکمه لری مقرراتی امضا ایدوب ایتاملری انجق ایتظنون علیه اجنبی اولدیغی وکندیغی دردست ایدیلهمامش بولندیغی تقدیرده حائز اهمیت اوله بیلور . چونکه تابعیت اجنبیهده اولان برمظنون حکومت عثمانیه اقدجه دردست وتوقیف ایتش اولورسه ، محکومیت قرار ی زیرینی ترجمانلرک امضا ایتماش اولسه بیله حکومت حکمی اجرا ایدر؛ نته کیم سلیمان اوغلی محمدک قنایله مظنون روس تبعه سندن عثمان حقنده ادرنه استیناف (جنایت) محکمه سنجه جریان ایدن محاکمه اوزرینه اتخاذ قلنان محکومیت قرارینی امضادن ترجمانلرک استنکاف ایلش فقط حکومت عثمانیه مصیب اولان نقطه نظرنده اصرار ایتکله مرقوم حکومت حبسخانه سنده قالهرق اولوجهله حکم اجرا ایدلمشدر؛ کذلک خاقان مخلوع علینده کی سوء قصدی ترتیب واجرا ایلان کسانه مشارکتله متهم بلجیقا تبعه سندن ژوریسک اعدام جزاسیه محکومیتنه دائر در سعادت جنایت محکمه سندن ۶ کانون اول سنه ۱۳۲۳ (م ۱۸ کانون اول سنه ۱۹۰۵) تاریخنده صادر اولان قرار ی ترجمانلرک امضا ایتماسنه رغماً اقدجه دردست وتوقیف قلنمش اولان مرقوم ژوریس علینده اولان قرارلر اجرایی جهته کیدلمش وشوقدرکه بالاخره بلجیقا سفارتلرک توالی ایدن مراجعاتی اوزرینه عفو وسبیلی تخلیه ایدلمشدر . شخص اجنبی مدعی شخصی صفتنده اولدیغی تقدیرده ایسه امضادن استنکافک هیچ بر تأیری کوریه من؛ زیرا تابعیت عثمانیهده بولنان مظنون له وعلینده صدور ایدن حکمده قونسولاتونک هیچ برمداخله سی موضوع بحث اوله ماز . لکن یوقاروده سولیدیکمز کی مظنون اجنبی اولور ودر دست وتوقیف ایدیلهمامش و ترجمانلرک قرار ی امضا ایتماش بولنور ایسه ایش اهمیت کسب ایدر؛ چونکه بوصورنده حکومت عثمانیه قونسولاتونک حکمک انفاذینی طلب ایدوب او ایسه قرارده ترجمانلرک امضایی بولنمادیغدن بختله اجراده بغیر حق تعلل ایلر ونهایت مسئله نیک دیپلوماسی طریقله حلنه مجبوریت حاصل اولور . علی الاکثر بویه برحاله قونسولسلر مظنون متبوعی اولان دولت ملکنه اعزام واورا محکمه لری ده آنک حقنده بر حکم اصدار ایدیلورلر . جزا محکمه لر نجه کرک بدایه وکرک استینافاً جریان ایدن تدقیقات ومحاکمات صیره سنده صراحت عهده یه ومذاکره ایتاسنده سالف الذکر نکرکده سامیهیه مستنداً ترجمانلرک حاضر بولنور ومحاکمه ضبطنامه سی زیرینی امضا ایدر . مظنون ویا مدعی شخصی اجنبی اولدیغی صورتده استجواب وضبط افاده ایتاسنده دخی ترجمانلرک حاضر بولندیرلقد وواقسم استنطاقنامه زیرینی امضا ایتکدهدر . اما تبعه دن اولان مدعی شخصی ومظنون وشاهدلرک استماع واستجوابی صیره سنده ، مدعی شخصی ویا مظنون اجنبی اولدیغی سر رشته سیه آنک مذسوب اولدیغی دولت

ترجمانك حضوری هیچ بر مجبورت عهده به مستند اولماق له برابر او یولده بر طلب سبق ایتدیگی خالده ، معاملات استنطاقیه اصلاً تأخیر ایدلماک شرطیله ، صورت امتناع کوسترماک موافق اولور [۱] .

[۱] بویخصوصه تعلقی اولان محرمات بروجه آتی عیاً درج اولنور :

تبعه دولت علیه ایله تبعه اجنبیه پندده ظهوره کلان کرک حقوق و کرک جزا دعوارینک اثنای فصل ورؤیتنده ومواد جزایشه دن بومقوله مختلط ومشرتک اولان دعاویده استجوابی لازم کلان تبعه اجنبیه نک تدقیقات استنطاقیه سنده منسوب اولدقلری دول متحابه ترجمانلرینک حاضر بولنمی عهود جاریه احکامی و اصول مرعیه ایجابدن اولدینی کی بومثلودعاوی مختلطه وجرائم مشترک نک ختام تدقیقاته دکن مظنون علیه ویا ذی مدخل اولان تبعه دولت علیه نک اثنای استنطاقی ومواجهه لرنده دخی استدلاری خالده ترجمانلرک حاضر بولنلری تعامل وطبیعت مصالحت اقتضاسندن بولندیغه منبی بعدما بواصول وقواعد مخصوصه دائره سی داخلنده جریان ایده جک معاملات عدلیه نک تمامی مرعیتنه صرف دقتله اکا کوره توفیق معامله اولتی و نرندده مأمور بولندیگنر محکمه استینافه اشبو تحریرات عمومیه نک برقطعه صورت مصدقه سنک اعطاسیله برابر دائره مأموریتکنر داخلنده بولان محاکم ابتدایشه دخی مدعی عمومی معاونلری وساطتیله برر صورتی تبلیغ قلنمق اوزره محکمه تمیز باش مدعی عمومیلک مأموریت بهیه سنک افاده سیله نسخ مطبوعه کافیه سی لفا کوندرلش اولغله مندرجانه نظراً ایفای مقتضای سیاقده شقه مخصوصه ترقیم قلندی .

۱۶ ربیع الاخر سنه ۱۲۹۷ و ۱۵ مارت سنه ۱۲۹۶

تبعه دولت علیه ایله تبعه اجنبیه پندده ظهوره کلان دعاوی حقوقیه مختلطه نک اثنای فصل ورؤیتنده ترجمانلرک حضوری لازم کلدیکی کی مواد جزایشه دن اولان بومقوله مختلط ومشرتک دعاویده دخی استجوابی لازم کلان تبعه اجنبیه نک تدقیقات استنطاقیه سنده بولنلرک منسوب اولدقلری دول متحابه ترجمانلرینک حاضر بولنمی عهود جاریه احکامندن و اصول مرعیه ایجابدن اولدیغه و بناءً علی ذلک بومقوله دعاوی مختلطه وجرائم مشترک نک ختام تدقیقاته دکن مظنون علیه ویا ذی مدخل اولان تبعه دولت علیه نک اثنای استنطاقی ومواجهه لرنده دخی استدلاری خالده ترجمانلرک حاضر بولنلری تعامل وطبیعت مصالحت اقتضاسندن بولندیغه منبی بعدما بواصول وتعامل دائره سی داخلنده جریان ایده جک معاملات عدلیه نک تمامی مرعیتنه صرف دقتله اکا کوره توفیق معامله اولتی و نرندده مأمور بولندیگنر محکمه استینافه اشبو تحریرات عمومیه نک برقطعه صورت مصدقه سنک اعطاسیله برابر دائره مأموریتکنر داخلنده بولان محاکم ابتدایشه دخی مدعی عمومی معاونلری وساطتیله برر صورتی تبلیغ قلنمق اوزره محکمه تمیز باش مدعی عمومیلک مأموریت بهیه سنک افاده سیله نسخ مطبوعه کافیه سی لفا کوندرلش اولغله مندرجانه نظراً ایفای مقتضای سیاقده شقه مخصوصه ترقیم قلندی .

۱۸ جاذی الاولی سنه ۱۲۹۷ و ۵ نیسان سنه ۱۲۹۶

مواد جزایشه دن مظنون علیه استر تبعه اجنبیه دن بولنسون استر تبعه عثمانیه دن اولسون حین استنطاقنده ترجمانلرک حاضر بولنمی اونه دنبرو محاکم جزایشه دن جریان ایدن تعامل اقتضاسندن ایسه ده تبعه دولت علیه دن اولان مظنون علیه نک نه استنطاقنده ونه ده محاکمه سنده بولنلرک وجودی مجبورت عهده به تحننده اولدیغندن اولبابده ایجاب طاک اجراسنه دائر سبق ایدن اشعاره جواباً خارجیه نظارت جلیله سندن النان تذکره علیه ایله حقوق مشاورلرینک مذکره سنده تبعه دولت علیه ایله اجنبیلر پندده تحدت ایدن جنجه وجنایته متعلق دعاویده مظنون علیه تبعه دولت علیه دن اولدینی خالده آنک حین استنطاقی ومحاکمه سنده ترجمانلرک حاضر بولنمی معاهده موجوده احکام صریحه سی اقتضاسندن دکل ایسه ده بوسورت قدیم بر معامله منبی جاری اولفده اولدیغندن وتبعه اجنبیه دن برینک شکایتی اوزرینه دولت علیه تبعه سندن بری علیه اقامه دعوی اولدیغنی تقدیرده اشبو محاکمه نک معمولیتی ایچون ترجمانک حضوری مجبوری اولیوب اختیاری بولندیغندن ترجمان اصول ونظای وجهله دعوت اولوبده کتر ایسه محکمه اکا باقیهرق محاکمه ای اجراءه حق اولوب شو قدرکه ترجمانلرک دعوت ایدیلوبده کلدکلرینک لدی ایجاب اثبات ایدلسی لازم کله جکی بیان وازبار اولنمش اولدیغندن بعدما اولوجهله ایفای معامله قلنمی خصوصنک تمعماً اشعاری امور جزایشه مدبریتندن افاده اولنهرق ایجابی اجرا واشبو تحریراتک نسخ مطبوعه کافیه سی لفا اسرا قلنمش اولغله علی الاصول کیفیتک محاکمه تبلیغی .

۴ رجب سنه ۱۲۹۹ و ۱۰ مایس سنه ۱۲۹۸

ترجمانلرک هیأت اتهامیه ده دخی حاضر بولندقلری کورلمکده وحالیه کده بوحال عهودک هم صراحتنه وهم ده مقصد ومعناسنه مخالف دوشمکده در . فی الواقع عهودک بالجملة صراحتی ترجمانک اثنای محاکمه ده حضورینه متناظر در ؛ دیگر طرفدن ترجمانک حضورینی مشروط قامقده قایتولاسیونلرک استهداف ایتدیگی مقصد احد طرفیندن اولان اجنبینک افاده سی ترکیه به ترجمه حاکمه نقل وافاده ایلک درکه تدقیقات اتهامیه اوراق اوزرینه وقوعه کلسی اعتباریله بومقصده متفق در .

بر اجنبینک مظنون علیه ویا مدعی شخصی صفتیله علاقه دار اولدیغنی اوراق دعوی اوزرینه محکمه تمیز جزا دائره سنجه جریان ایده جک تدقیقات صیره سنده آنک منسوب اولدیغنی قونسولاتو ترجمانک حضوری ایجاب ایدوب ایتیه جکی مسئله سی عهوده نظراً حل ایده جک اولورسقه شهبه سز ، هیأت اتهامیه حقنده درمیان ایدیلان مطالعاته منبی ، منفی بر نتیجه به واصل اولورز . فعلیات و تطبیقاته دخی دائره مزبورده ترجمان حاضر بولندیرلدیغنی مسبق دکلدر .

دیوان حرب cour martiale لرده ترجمانک حضوری ایجاب ایدوب ایتیه جکی مسئله سنه کلنجه : ۱۲۹۳ - ۱۲۹۴ عثمانلی روس محاربه سنده باب عالی دیوان حربلرک ، قونسولاتویه معلومات ویرلک واجبی مظنون صفتنده بولندیغنی تقدیرده ترجمان حاضر اولمق اوزره ، اجنبیلره قارشوده حکم اعطا ایتک صلاحیتی حائز اوله جغنی قبول ایتیش فقط اجنبی مدعی شخصی صفتنده بولنورسه ترجمانک حضورینه محل اولمادیغنی درمیان ایشدر . سفارتلر ایسه بوسوک نقطه به اعتراض واجبی ولو مدعی شخصی صفتنده اولسون ترجمان حاضر بولنق لازمکله جکی ادعا ایتیشلردر . ۳۱ مارت سنه ۱۳۲۵ حادثه معلومه سی متعاقب تشکل ایلان دیوان حربلرده دخی علاقه دار اجانبک منسوب بولندقلری قونسولاتو ترجمانلرینک حضوری واقعدر .

عثمانلی - ایتالیا حربی اوزرینه ۱۳۲۷ سنه سی ایلولی ایچنده درسعادت ، ازیر ، سلانیک و بیروتده تشکیل قلنان غنائم بحریه محکمه لرنده Tribunaux des prises maritimes اجانب علاقه دار اولدیغنی زمانلر ترجمان حاضر بولندیرلش والیومده تطبیقات بوسورتله دوام ایده کیشدر . مع ذلک ماهیت عهود کوسترکه اوراده ترجمانک حضورینه لزوم کوستریلان محاکم بومثللو مستثنا محکمه لر دکل ، انحق محاکم عمومیه در .

باب عالینک نقطه نظریه کوره طرفیندن بری اجنبی اولدیغنی خالده محاکم جزایشه ودوائر تحقیقنده ترجمانک حضوری لابد وشق اول عهودکده صراحتنه موافقدر . فقط بر جزا دعواسنک اثنای رؤیتنده استماعی ایجاب ایدن اجنبی شاهدک منسوب بولندیغنی قونسولاتو ترجمانک حضوری اقتضایلز ؛ کرچه سفارتلر بونک خلافتی ادعا یعنی اجانبک داخل اولدیغنی هرایشده ، ولو اواجنبی انحق شاهد صفتیله جلب واستماع ایدلش اولسون ، ترجمانک حاضر بولنمی لازم کله جکی وچونکه ترجمان او اجنبینک شاهد صفتیله استماعی حیثنده حاضر بولنهرق کندی امضاسیله آنک افاداتی تصدیق ایله مزسسه افادات مضبوطه سفارتلرجه رسمی عد اولنهمیه جغنی وبونک نتیجه سی اولمق اوزره ده اوله بر شاهد علیه شهادت کاذبه دعواسی اقامه ایدیله جک اولدقده دعوانک استتاجی

تجارت بحریه محکمه سی اعضاسندن

جمال الدین وهرانم اصادور

روما حقوقك مملكتك مزده لزوم تدریسی

مجله ایله حقوق غربیه آره سنده بعض مقایسات

« کچن نسخه دن مایه »

روما حقوقك بزم ایچون موجب اولدینی فواندن بری ده قانونلر مزك اوروپا قوانینله مقایسه سنده بر عنصر مهم تشکیل اتمسیدر . « الامور نكش فاضدادها » قاعده سنجه حقیقت آنجق اضدادك یكدیكر یله مقایسه سیله ظاهر اوله بیله جکندن قانون مدنیك محسنات و محاذیرینی میدان چیقاره بیلمك ایچون مقایسه قوانینه بیوك اهمیت عطف اتمك اقتضا ایدر . ایدی اوروپا قانونلرینك اکثری روما حقوقدن اقتباس احکام ایتدکندن قانون مدنیزی اوروپا قوانین مدنیه نك اساسلرندن بری اولان روما حقوقله مقایسه اتمك فائده کلیه یی داعیدر . بوضورتله احکام شرعیه ایله روما حقوقی آره سنده اجرای مقایسه ایتدار ایدلده بعض مسائلك متحد و بعضلرینك متفرق اولدینی کوریلور . مثلاً مجله احکام سنجه بیعك تمامیتده تسام شرط اولدینی حالده بالعکس اسکی روما حقوقجه تسلیم وقوعبولق سزین بیع تمام اولماز چونکه رومالیلر طبعاً مادیاتپرست اولدقلرندن مجرد تراضی طرفین دنیلان بر امر معنوی و باطنی ایله ملکیتك بر شخصدن دیگر بر شخصه انتقال ایده بیله جکینه عقل ایردره محسلسر و نقل ملک حصوله کله بیلمك ایچون بایعك هر حالده فعلاً میعی عهده تصرفدن چیقاره رق مشترینك عهده تصرفه وضع اتمک شرط اتخاذ اتمسلا دردر . فقط تسلیمك تمامیت بیعه شرط اولوب اولماسنده کی اختلاف احکام تسلیمك شرائط و کیفیتده جاری دکلدر . بناء علیه مجله احکام سنجه تسلیمك صحته بدآید وقوعی غیر لازم و مشترینك بلا مانع میعی قبض اتمسینه بایعك اذن و یرمسی کافی اولدینی کی روما حقوقجه دخی تسلیمك بالفعل وقوعبولسی مقتضی اولیوب مشترینك میعی قبض اتمسی اسبابی بایعك استکمال اتمسی کفایت ایدر . وصایت متعلق احکام اعتباریله دخی فرق و بمثلت موجوددر . اک اسکی روما حقوقده بر پدر عائله وفات ایتدیکی زمان حدبلوغه واصل اولیان اولادی قانوناً Agnat دنیلان اقرباسنك زیر وصایتده ایدی . روما حقوقده Agnat دنیلان اقربا عینی جددن نشأت ایدن اولاد و احفادك کافه سنه اطلاق ایدیلوردی . بناء علیه احفاد و احفاد الاحفاد ، بر حیات بولنان جد صحیح مشترکلرینك قدرت ابوتلرینه تابع ایدیلر پدر عائله حیاته بولاندینی مدتیجه بو طرز قرابتك حکمی ظاهر دکلدیسه ده وفاتده اشبو اقربا آره سنده متقابلاً حقوق ارثیه جاری ایدی . ایدی پدر عائله نك وفاتی تقدیرنده ورثه دن اولان صغار عجز ذاتیلری حبسیله حصه ارثیه لری تشکیل ایدن اموالی هدر ایده بیله جکلرندن و بوضورتله صغیرك آتیا وفاتی حالنده اموالنه وارث اولق حقنی حازر دیگر اقرباك حقوق ارثیه مستقبله لری ضایع اوله بیله جکندن محض اشبو حقوق مستقبله نك صیاتی ملاحظه سیله صغار قانوناً اقرباسنك زیر وصایتده

ایدی . فقط بالا خره اقرباك اشبو حقوق موهومه لرندن زیاده صغیرك وقایه حقوق لزومی اكلاشیله رق بدرک ولد صغیر ایچون حیاته ده بر وصی تعیین ایده بیلمسی و مذکور وصی مختارك حقوق مستقبله لرندن طولانی قانوناً احراز وصایت ایدن اقربا به ترجیح اولنسی و صغیره لری وصی مختار ویا وصی قانونیسی اولیان صغاره طرف حاکمکن وصی تعیینی قرار گیر اولمشیدی . ده صغیره اقرباك وصایت قانونیه سی فعلاً مرعیتدن ساقط اوله رق امپراطور ژوستین زماننده رسماً الغا ایدی . بناء علیه روما حقوقك صفحه اخیره سنده وصایت احکام شرعیده اولدینی کی وصی مختار ایله وصی منصوبه منحصر قالمشدر .

دیگر بر مثال : مجله احکام سنجه تبرع قبض ایله تمام اولور . قودسیویله کوره دخی مجرد تبرع قولی کافی اولیوب بعض مراسمك اجرایی لازمدر . ایشته تبرعك یالکیز قولاً تمام اولماسنده هرایی احکام متحددر مجله کوره اکر تبرع بلا قبض تمام اولسه ، تبرعه اجبار وقوعبولق لازم کلیر چونکه تبرع قولی بر تبرعدر قبض ایسه دیگر تبرعدر . اکر تبرع قولی کافی اولسه مجرد بونکله متبرع ، قبضه متعلق اولان ایکنجی تبرعه اجبار ایدلمش اولور . قودسیویله کوره ایسه تبرعك تمامیتده عقد مجرد کافی اولماسنك سببی شوکه اکر تبرع ، بلا قبض ده تمام اولسه تبرعات کثیراً واقع اولور . چونکه موهوبی تسلیم اتمک سزین ایدیلان هبه ده ، واهب موهوبی هنوز یندن چیفار مدینی جهته احرا ایتدیکی هبه نك درجه اهمیتتی تمامیه تقدیر ایتامش اولور . و بو صورتله بلا تفکر اجرا ایتدیکی تبرعاتن بالا خره ندامتده ایتسه ندامت واقعه مفید اولماز چونکه هبه مجرد عقد ایله تمام اولدیغندن واهب بالا خره تسلیمه مجبور طوتیلور .

ایشته واهبك اجرا ایتدیکی هبه نك درجه اهمیتتی حقه نظر دقتی جلب ایچون مجله احکام سنجه تبرعك تمامیتی قبضه وابسته قلمش و قودسیویله کوره دخی بعض مراسمه تابع قلمشدر .

قودسیویلك مجله ایله مقایسه سندن متحصل اولان ایکنجی فائده دخی عندالمقایسه ایکی نوع احکامك بر برینه مابین اولسی حالنده ظاهر اولوب فائده مذکور دخی مجله نك نقائصنك اكلاشلمسندن عبارت بولنش اولور .

مجله ایله فرانسه قودسیویلی آره سنده اک زیاده شایان مقایسه اولان احکام میاننده بالخاصه معاملاتك علی العموم شرائط و احکامیه اسباب ثبوتیه لرینه متعلق اولان مسائل حازر اهمیتدر . مجله ایله قودسیویلك علی العموم معاملاتك دائر اولان احکامی مقایسه اولندقه باشلوجه ایکی فرق نظره چاربار . اولاً بزده عقود محدود اولوب طرفین مجله ده مندرج عقود خارجنده بالتراضی هیچ بر عقد احداث و اجرا سنه قادر دکلدردر . فرانسه قانونه کوره ایسه طرفین قانوناً معین اولان عقود خارجنده آسایش و آداب عمومیه به مغایر اولماق شرطیه هر نوع عقدی یاه بیلورلر . ثانیاً طرفین اجرا ایتدکری عقودده مجله جه موضوع احکامه مغایر شرائط وضع ایده مزملر . یالکیز امام ابو یوسفه اسناد اولنان بر روایت نظرأ نص شرعی عادت مستند اولوب ده عادت مذکور جه تبدل وقوعنده نص شرعینك نظر اعتباره آلتامسی جائزدر . اصول محاکمه حقوقیه مزده

طرفینک یا بمش اولدقلری مقاولاتک قانونه مغایر اولمالاری لزومنک مندرج بولمسی بوجهتی مؤیددر. فرانسه قانونه کوره ایسه طرفین اجرا ایده جککری مقاولانده آسایش و آداب عمومیه مغایر اولیان هر درلو شرطی وضع ایده بیلورلر ولوکه شرط مذکور قانونه مغایر اولسون. ایشته بو حکمتنه بناءً فرانسه قانون مدنیسی احکامی ایکی نوعدر. برنجیسی impératif اولوب حقوق عمومیه تعلقی جهتیله طرفین عاقبتجه هر حالده مجبوری الرعایه اولان و بناءً علیه خلافی شرط اتخاذ ایتک جائز بولنیا احکامدر. ایکنجیسی دخی حقوق عمومیه ملاحظه سیله موضوع اولمایوب یالکیز طرفین اجرا ایتدککری عقدک بعض شروط نتایجی مسکوت عنه کچیردککری تقدیرده نزاعه محل قلامق ایچون تصریح ایدیلان احکامدرکه ماهیتلری طرفینک مفروض اولان رضائینی بیان و تفسیردن عبارت اولدینی ایچون Déclaratif تسمیه اولنور. بنابرین بو نوع شرائط قانونیه نک تراضی طرفین ایله بشقه شرائطه تبدیلی جائزدر.

علی العموم معاملاتک شرائط انعقاد و صحتنه کلنجه فرانسه قودسیویلنه کوره شرائط انعقاد ایکیدر بری تراضی طرفین و دیکری معقود علیک مشروع اولسی. مجله احکامنجه دخی عقد تراضی طرفین ایله منعقد اولور. شوقدرکه تراضی طرفین برامی باطنی اولدیغندن دلیل ظاهر یسینی تشکیل ایدمک قول ویا فعلک وجودی لازمدر. قولاً انعقاد ایدن عقوده عائد اولق اوزره قودسیویل ایله مجله آرسنه مهم بر فرق موجوددر. مجله یه کوره عقد قولیده الفاظ مخصوصه نک استعمالی شرطدر قودسیویل کوره ایسه تراضی به دلالت ایدن هر درلو الفاظک استعمالی جائزدر. یعنی هر عقد ایچون آری آری الفاظ استعمالندن و بعض اوضاع معینه اراشمندن عبارت اولان Formalesine « اشکالپرستلک » فرانسه قانوننده قبول ایدلمشدر. قودسیویل ایجابجه رضایی معدوم قیلان اسباب، صغر، جنون و سرخوشلقدن عبارتدر. بناءً علیه حین عقوده احد طرفینک سکر حال اولدینی تحقق ایدرسه عقد معتبر اولماز. مجله یه کوره ایسه سرخوشاق طریق مباح ایله حصوله کلیرسه مانع انعقاد اولوب طریق حرام ایله حاصل اولان سرخوشاق بادلان عقدی مؤدی اولماز و کذا قودسیویل احکامنجه معقود علیک ذاته عائد اولان خطا، رضایی معدوم قیلماق اعتباریه انعقاده مانع عد اولنور کرچه مجله ده بوباید صراحت مخصوصه موجود دکلسده خطاسی ظاهر اولان ظنه اعتبار ایدلمسی، قواعد کلیه دن اولقله برابر قبولک ایجاب موافقتی شرط اولوب معقود علیک جنسنه عائد خطا و قوعنده قبول، حقیقت حالده ایجاب غیر موافق اوله جغندن بو مثللو خطا بزده دخی مانع انعقاد بر سبب تشکیل ایدر دیمک اولور. حتی بوسببه مبنیدرکه حاضرده کی وصف لغو اولوب فقط جنسک تسمیه سی معتبر اولدیغندن الماس ظنیه آلتان شی سرچه حقیقه بیع باطل اولور. قودسیویلیک انعقاده متعلق اولان شرط نایس معقود علیک مشروع اولسی یعنی قانوناً ممنوع اولماسیدر. مجله احکامنجه دخی انعقادک معقود علیه عائد شرائطی اولدیغندن هر ایکی قانونده مندرج شرائط انعقاد اساس اعتباریه متحد دیمکدر.

عقدی افساد ایدن اسبابه کلنجه فرانسه قانون مدنیسنه کوره اسباب مذکور اوجدر: ۱ — اکراه ۲ — معقود علیک وصفنه عائد خطا ۳ — حيله.

مجله ده اکراهک عقدی مفسد اولدینی مسطور ایسه. وصف معقود علیه عائد خطا ایله حيله نک عقدی افساد ایده جککرینه دائر صراحت معقوددر. فقط مجله ده کورلدیکی وجهله بیع فاسد، ذاتاً منعقد اولوب ده اوصاف خارجیه اعتباریه غیر منعقد بیع دیمک اولوب معقود علیک وصفنه متعلق خطا و قوعنده وصف خارجی اعتباریه انعقاد بولنه میه جغندن بو مثللو خطا بزده دخی عقدی مفسد اسبابدن معدود اولق اقتضا ایدر. حيله بجنه کلنجه غبن فاحش ایله مترافق اولان تغیر، موجب خیارددر. فقط تغیریک غیر بر حيله واقع اولدینی صورتده حيله عاقد دیکری خطایه القا ایتدیکی جهتیله خطا نوعه ملحق اوله رق عقدی مفسد بولمق اقتضا ایدر. تفصیلات مذکور دن آکلاشلدینی اوزره قانون مدنیله فرانسه قانوننده شرائط صحت عقودی همان بر برلرینک عینیدر. شوراخی علاوه ایتک لازمدرکه مجله احکامنجه علی العموم تحلیکاتک شرطه تعلقی جائز اولدینی حالده قودسیویل کوره جائزدر. عقود فاسده به مترتب احکام اعتباریه هر ایکی قانون مدنی آرسنده موجود اولان فرق شایان دقتدر. احکام مجله یه کوره عقدک فسادندن طولایی فسختی حق الشرع اولوب اثنای دعواده فاسد اولدینی تحقق ایدن عقدک محکمه جه رأساً فسخته قرار ویرمک لازم کایر. حالبوکه فرانسه قانون مدنیسنه نظراً عقدک، فسادندن طولایی فسختی برحق شخصی عد اولدیغندن احد طرفین طلب ایتدیکه محکمه فسخته قرار ویرمز. کذلک فاسداً انعقاد ایدن عقدک بالاخره صحته انقلابی مجله تجویز ایتز. عقدک فسادی آنجق مجلس عقده قابل ازاله اولور چونکه مجلس طاغلقدن صکره فساد تقرر ایتش عد اولنور. یالکیز بونک مجله ده بعض مستثنیاتی وارددر. شویله که: وقت حصاد کبی جهالت یسیره ایله مجهول بر اجل تسمیه سیله عقد اولان بیع فاسد اولوب آنجق مشتری وقت حصادک حلونندن اول اجلی اسقاط صورتیه بیعک فسادینی ازاله ایده بیلور. حالبوکه قودسیویل نظرنده، عقدک فسادندن طولایی فسختی برحق شخصی عد اولدیغندن بعد انعقاد من له الحق اولان کیمسه فسختی حقندن فراغت ایدرک عقدی صحته قاب ایده بیلور.

عقودک بالوکاله اجراسنه مترتب اولان احکام دخی فرقلیدر. مجله نک کتاب الوکاله سننده محرر اولدینی اوزره وکیل بعض احوالده عقدی موکنه اضافت ایتک مجبور ایسه ده بعض احوالده دخی عقدی دیلرسه نفسنه دیلرسه موکنه اضافت ایده بیلور. وکیل عقدی اگر نفسنه اضافت ایدرسه حقوق عقد کندیسنه و موکنه اضافت ایدرسه حقوق عقد اکا ترتب ایدر و فقط هرایکی صورتده ملکیت موکلی ایچون ثابت اولور. فرانسه قودسیویلی ایسه وکیلک عقدی نفسنه اضافت ایتسینی تجویز ایتز بونک براستناسی وارسه اوده تجارت قانوننامه سننده کوستریلان قومیسوئچینک معامله یی نفسنه اضافت ایده بیلمسیدر. شوقدر وارکه مجله ایجابجه حقوق عقد، عقدی نفسنه اضافت ایدن وکیل راجع اولوب بالاخره وکیل عزل اولنسه بیله موکل، حقوق عقدی دعوی ایده بیلیمک ایچون وکیل طرفندن توکیل اولنمغه محتاج اولدیغندن بوباید تجدی ملحوظ اولان مشکلاته چاره ساز اولق اوزره بزده دخی وکیلک عقدی هر حالده موکنه اضافته مجبور طوتلمسی صورتیه قانون مدنیله تکمیل ایتدی تمی اولنور.

مارالذکر هرایکی قانون مدینیک اسباب ثبوتیه عائد اولان مباحثی دخی شایان مقایسه در . فرانسه قانون مدینسده اسباب ثبوتیه ، شهادت خصوصی ویا رسمی بینه تحریریه ، قرینه قاطعه ، اقرار ، یمیندن عبارتدر . مجلهیه کوره نصاب شهادت ایکی ارکک ویا برارکک ایله ایکی قادین اولوب شاهدک عدالتی تذکیر ایله تأمین اولندیغندن محکمه شهادتی تقدیر اتمک صلاحیتی حائز اولمایوب هر حالده دعوایه موافق اولان شهاداته بنای حکم اتمک مجبوردر . فرانسه قودسبولنه نظراً نصاب شهادته اعتبار اولمایوب محکمه قناعت حصوله کتیردیکی تقدیرده . شهادتله اثبات دعوی جائز اولان احوالده بر تک شاهدک افاده سی اوزرینه بینه حکم ویره ییلور ، وکذلک محکمه قناعت حاصل اتمدیکی صورتده کثرت شهود اسباب حکمدن عد اولنه ماز بزده تذکیریک شرائط اجرایی اعتباریله شاهدک عدالتی موجب اشتباه اوله جنی کبی عدالتی ثابت اولان بر شاهدک غلط رؤیت ویا سوء تفهم سببیه شهادتسده خطا اتمی ملحوظ اولدیغندن بوبابده کی احکام قانونیه نک عاجلاً تعدیلی ایله امر تذکیریک برطرف ایدیلهرک حکامه بوبابده حق تقریر اعطاسی مناسب اولور .

فرانسه قانونه کوره رسمی بینه تحریریه قابل اجرا بر اعلام حکمنده در . اصول محاکمه حقوقیه مزه کوره ایسه رسمی بینه تحریریه نک مزیتی زیرینه موضوع مهر ویا امضانک انکار اولانه مامسندن و تاریخنک مثبت و محقق عد ایدلسندن عبارتدر . قودسبوله کوره شهادتله اثبات مدعی جائز اولان مواده قرینه قاطعه ایله یعنی حقیقه بالغ اولان اماره ایله حکم جائز اولور که بونقطه ده هرایکی قانون مدنی متحدالاحکام دیمکدر فرانسه قانونتجه یوز الی فرانسه قدر اولان دعوالر شهادتله اثبات اوله ییلور اصول محاکمه حقوقیه مزه کوره ایسه بشیک غروشه قدر اولان دعوالر شهادت ایله اثبات اولنه ییلور . بزده شهادت کاذبه نک مضراتی تخفیف ایچون بزده دخی شهادتله اثبات اولنه ییلان دعوانک تعلق ایتدیکی مبلغ اون لیرایی تجاوز ایتدیرلماک لازم کلیر .

هرایکی قانون مدنی آرسنده کی اسباب ثبوتیه متعلق اولان فرقلر اک زیاده اقرار و یمین ماده لرنده تجلی ایدر . فرانسه قانون مدنیسی ایجابجه مدعی علیه مدافعه سنده ، مدعینک ادعاسی اقرار اتمکله برابر اقرار مذکورک حکمنی رفع ایده جک افادته بولنسه مثلاً مدعینک ثمن میببی دعوی اتمسنه مقابل مدعی علیه میببی تسلیم ایتدیکنی اقرار و فقط ثمنی تأدیه ایلدیکنی مقام دفعه در میان ایلسه افادات مذکورک مقررک علیه ثمن میببک اداسی اثبات ایتدیریلهرک اقرار واقمک تجزییه اوغرادلسی جائز دکادر .

سابق سلاطین حقوق مکنتی عمللرندن ، در سعادت

و پارس حقوق فاکولته لرندن مأذون

میشوره د نظرده

ارباب حقوقدن راستیضاح

قانون جزای عمومینک ۲۲ مایس سنه ۳۲۷ تاریخنده تعدیل ایدیلن سکیزنجی ماده سی مجرمین مکرره حقلرنده نه صورتله تعیین جزا ایدیله جکنی کوسه ترمکده در . ماده مذکوریه نظراً : کرک مجازات ترهیبیه و کرک مجازات تأدیبیه ایله محکوم اولان اشخاص مجازات ترهیبیه اثنای مدت جزایه سنده ویا مدت جزایه سنی اکمال ایتدکدن ویا جزا اسباب قانونیه دن بری ایله ساقط اولدقندن صکره اون و مجازات تأدیبیه ده فضله اوله رق صورت قطعیه ایله محکومیت تکرر ایچون کافی کوریلهرک قبل الانفاذ جزا ماده مذکورده محرر جرائمی ارتکاب ایده جک اولورلر سه جزالرنک تشدید و تضعیف ایدلسی لازم کلیر .

قوانین زجریه و محاکم عمومیه جمعیت بشریه نک منافع عمومیه سی نامنه موضوع و متشکل بولنق حسینیه بالمله افرادک اتباع و انقیادی ضروریدر . فقط برطاقم اسباب و ملاحظاته تبعاً افراد جمعیتدن بر قسمینک محاکمسی و حقلرنده ایجاب ایدن جزالرک حکم و تطبیق ضمننده محاکم عمومیه دن آری اوله رق بر طاقم محاکم خصوصیه ده تشکیل و قبول ایدلشددر ؛ مجالس اداره و دیوان حربلر کبی . مجالس اداره محاکم خصوصیه دن اولق حسینیه کندیسنه مخصوص بر اصول محاکمسی اولق ایجاب ایدر ایکن هر نه دن ایسه شیمیدییه قدر تنظیم ایدیلهمه مش و محاکم عمومیه ده تطبیق ایدلکده اولان اصول محاکمات جزایه قانونی موجبجه تدویر امور ایدلکده بولنشددر . مع مافیه تطبیق ایدلکده اولان قانون ؛ قانون عمومی جزادر . دیوان حربلر ایسه دها خصوصی بر صورتده تشکیل قلنهرق آریجه بر قانون جزای خصوصی اولق اوزرده عسکری قانون جزای تنظیم ایدیلهرک تطبیق ایدلکده بولنشددر الحاله هده دیوان حربلر اصول محاکمه عسکرییه صاحب اولدیغندن و اصول محاکمه جزاییه محاکم عمومیه ده تطبیق ایدلک اوزره موضوع بولندیغندن و دیوان حربلرک تشکیلات حاضره سی محاکم عمومیه ده توافق ایتدیکنندن بالطبع مرعی اوله مامقده در مع مافیه قانون جزای عسکرینک بشننجی ماده سی موجبجه قانون عسکریده صراحت اولیان خصوصاته قانون عمومی احکامی تطبیق ایدلکده در . مذکور قانون جزای عسکریده قرار جرائنندن بشقه مجرمین عسکریه حقلرنده تکرر جزای تطبیق ایدیله جکنه دائر صراحت اولمدیگی کبی اساساً جرائم عمومیه دن اولان ضرب و تشهیر سلاح کبی جرائمی ده - ایکی عسکر بیننده وقوع بولق شرطیه - احتوا ایدهرک مرتکبلرینه قارشی ایجاب ایدن جزالری تعیین اتمکده در بناء علیه قانون جزای عمومینک سکیزنجی ماده سنک مطلق اوله رق مکررلره قارشی تعیین و تحدید ایتدیکی جزای شدید عجباً دیوان حربلرجه کرک عسکری جزا قانونه توفیقاً و کرک صراحت اوله مسمی حسینیه قانون جزای عمومی احکامی موجبجه محکوم ایدیلن افراد عسکریه حقلرنده تطبیق نمکنمیدر ؟ . . . آندن بشقه قانون عمومینک قرق یدنجی ماده سنده مطلق اوله رق ذکر ایدیلن اسباب

مخففة تقديره يني ده ديوان حربار نظر دفته آلهرق قانون عسكريك ۴۴ نجی ماده سنده كي تبديل و تخفيق اراده سنيه متوقف اولان خصوصاً بشفه احواله جزالك تبديلي ممكن اوله بيلورمي ؟ . .

ثانياً قانون جزای عمومينك ۲۰۱ نجی ماده سي ذيلنده برقادين ايله بالرضا فعل شايع حالنده تعقيبات قانونيه اجراسي زوجيت قائم اولديني حالده ويا خود طلاق وقوعندن درت ماه نهايته قدر زوجنك وزوجي اولديني حالده وليسنك شكايته متوقف اولديني ذكر ايدلنده در . بناء عليه وضع ايديلن بودرت ماه مدت جرمه عائد مرور زمانيدر ؟ . . و بنا برين تاريخ ارتكاب زنادن اعتبارآمي جاري اولسي ايجاب ايدر ؟ يوقسه بالكنز زوج حقنده تاريخ طلاقدن اعتبارآمي جاري اولسي لازمكبر ؟ تطايق ايتديكي حالده جرم مرور زمان عموميله مرور زمانه اوغرايخيه قدر زوجك حق دعواسي باقيميدر ؟

ثالثاً وليدن مقصد بوخصوصه ولايت شخصيه اولوب اوده آرده قادين توسطي اوليان عصيه نسبيه دن يعني اصول، فروع، اخوان، اخفاددن عبارت اولسنه نظراً سلسله نظر دفته آلهرق اصول واراينك فروعك حق شكايي اولمامسي لازم كايرمي ؟ يوقسه متن قانوننده ولينك مطلق اولهرق ذكر ايدلندن درجه وسلسله نظر دفته آنفقسرين هر هانكيسنك حق دعواسي اوله بيلورمي ؟ آندن بشقه حقيقي واوكي برادرلر ييتنده حقيقي برادرك ديكرينه حق تقدمي وارميدر و حقيقي برادر دعوي ايتزسه اوكي برادري شكايي ايد بيلورمي ؟ معروضات آنفنهك حليله تنوير مسئله غنايت بيورلمسني ارباب حقوقدن قني ايله جريده عدليهك بر كوشه سته لطفاً درجني رجا ايلرم افندم .

ايكنجي قول اردوي هايون

حقوق مشاوري

مهمور اهمم

اعلان

ولي الدين اغان كچوك بازارده خواجه خيرالدين محله سنده حاجه قادين چاده سنده يشمش طقوز نومرو لي چو كچي ميدجي كدكنك يوز يكرمي مهم اعتباريله اون درت تام ودرت خمس عن نصف حصه سي اوزرينه سليميه ده عسكرايكن اليوم اقامه كاهي مجهول اولان زعفران بوليلى عسكرا مصطفى اغا طرفندن مقدما وضع ايدلديكي قيداً اكلاسيلان جزك تعقيب و تأييد ايدليهرك مرور زمانه تابع و حق دعوي ساقط اولمىندن دولايي جز مذكورك فكي حقنده اقامه ايدلديكي دعوانك اجرا قلنان محكمه سي نتيجه سنده مدعينك مذكور حصه سته ۲۲ تشرين ثاني سته ۳۰۰ تاريخنده مدعي عليه مصطفى اغا طرفندن جز وضع اولنديني و تاريخ جزه نظراً جز مذكور مرور زمانه تابع وحق دعوانك ساقط اولديني دفترخانه دن مورود ذكره جوابيه مندرجاتيله ثابت اولسنه بناءً مارالذكر حصه اوزرينه مدعي عليه مصطفى اغا طرفندن موضوع جزك فكنه ودرت يوز يشمش طقوز غروش مصارف محاكمهك مدعي عليه عايدته دائر ۱۸ ايلول سته ۳۲۸ تاريخ وبيك اوتوز ايكي عدليه درسمادت بدايت محكمه سي برنجي حقوق دائره سندن صادر اولان اعلام غياييك برقطعه صورت مصدقه سي مدعي عليهك اقامه كاهنك مجهول بولمىندن دولايي اصول محاكمه حقوقيه قانوننك يكرمي النى و يوز قرق طقوزنجي ماده لري احكامنه توفيقاً محكمه ديوانخانه سته تعليق قلنان صورتيه معامله تبليغيهك اجراسي اعلان اولنور .

ارنبود قريه سندن يورغا كينك قريه مذكور دن متوفي بهچوان واسيل ذمتنده برقطعه اعلام موجبنجه الاجني اولان مبالغ معلومهك تأمين استيفاسي ضمتنده مديون متوفاي مرقومك برادر زاده سي استاوري ايله همشيره سي ماريجه ارنأ انتقال لازم كلان علي بهادر قريه سنده ارنابود كوي جاده سنده ايكي نومرو لي سبزه لك بهچهنك بتوني ويته محل مذكورده متوفيه همشيره سي الهيندن ارنأ انتقال ايدجك اولان طقسان يدي نومرو لي قوري وطقسان طقوز نومرو لي فونده لغك اجرا قلنان مزايده سنده ليراي عثمان يوز غروش حسابيله اوچ بيك غروشه داي يورغاكي عهده سنده تقرر ايدرك قرارداد موقه سي مرقوم نامنه كشيده قلنش اولديغندن تاريخ اعلاندن اعتباراً اوتوز بركون طرفنده يوزده بش ضم قبول و مدت مذكوردهك مرورنده احاله قطعيه سي اجرا قلنه جني طالب اولانلرك بكتقوز اجرا دائره سته مراجعت ايللري اعلان اولنور .

فرانسه دولتي تبعه سندن موسيو ويكتور بلهك موسيو لوتي فورنيال عليه نه دولت مشاراليهك درسمادت قونسولاتوسي محكمه سندن استحضال ايدلديكي لازم الاجرا برقطعه اعلام ايله تحصيلي حكم اولان مبالغ معلومهك

تأمين استيفای ایچون دائره اجزاجه تحت حجزه النان فری کوبنده چفته جویرلر جاده سنده سکسان بش نومرولی قرق ایکی دوئم التمش زراعدن عبارت ترلاسنک تاریخ اعلاندن اعتباراً اون بش کون صکره بالمزایده فروخته تشبث اولنه جفتدن طالب اولوب دها زیاده معلومات آلق ایستیانلرک بک اوغلی اجرا دائره سنده مراجعت ایتملری اعلان اولنور .

محمود بدری بک طرفدن ۱۰ ایلول سنه ۳۲۸ تاریخده بک اوغلی بدایت محکمه سی برنجی حقوق دائره سنده اعطا قلنان عرخیالده غلطده وویوده خائنده ۱۸ نومرولی او طرده مقیم ایکن مالک عثمانیه دن طرد ایدیلان ایतालالی تجاردن بایستت نومیقو ذمتنده الاجنی اولان اون بیک یوزطقسان بش غروشک پروتستو تاریخندن اعتباراً مع فائض اجرای موقتله تحصیل طلب اولنورق مدعی علیک حال حرب سببیه طرد اولان کسان میاننده ایدوکی مدعینک عرخیالی مالندن اکلاشلمسینه بناءً اعلاناً تبلیغات اجرایی طلب واقع اوزرینه بالتنسب امرحاکمک اجرایی تشرین اولک اون اوچنجی جمعه ایرتسی کونی الافرانقه ساعت اون بره قرارلشدیریلوب اولابده تنظیم و املا قلنان دعوتیه ورقه سیله عرخیالده مربوط صورت محکمه دیوانخانه سنده تعلیق ایدلش اولدیغندن مدیون مومی الیهک یوم و وقت مذکورده محکمه مذکورده حاضر بولمق اوزره مصدق سنده بروکیل کوندرمی لزومی و عکسی تقدیرده دعوانک غیاباً رؤیت و فصل اولنه جنی بیایله اعلان کیفیته ایستدار قلندی .

طلعت بک ابه اوغلی ایساق تجار ولد میشون ورنه سندن وتیفور وهازی و یاقو افندیلر ذمتلرنده بک اوغلی ایکنجی حقوق دائره سندن استحصال ایلدیکی ۵ کانون ثانی سنه ۳۲۷ تاریخ و ۱۰۶۶ نومرولی اعلام موجبجه محکوم به مطلوبی اولان اوتوز لیرانک مع فائض و مصارف محاکمه تامین استیفای ایچون بوغاز ایچنده قوری چشمه قریه وجاده سنده حضرت هدای ملحقانندن میراخور اول علی افندی وقفندن یوز یتش بشر آرشون عرصده مبنی قرق بش و قرق بدی نومرولی تحتانی و فوقانی طقوزر او طه و ایکیشر صوفه و برر کبیر طاشلق و اوچر آبدستخانه و برر قیو و مطبخی و ساحل جهتده یوز بشر آرشون مقداری بفتحیه و قرق بدی نومروده آبروجه بر عدد تراچه بی مشتمل ایکی باب ساحلخانه ده کی متوفانک ثلث حصه سنک اوتوز طقوز سهم ترتیبیه مدیونلرک بردن اوج سهم حصص شایعه سی تحت حجزه آلنورق تاریخ اعلاندن اعتباراً اون بش کون صکره بالمزایده فروخته تشبث اولنه جفتدن طالب اولوب بوندن زیاده معلومات آلق ایستیانلرک بک اوغلی اجرا دائره سنده مراجعت ایتملری اعلان اولنور .

مندرجات

قسم رسمی

- | | | |
|---------|------------------|--|
| نومرولی | تاریخ | موضوع |
| ۳۳۳۱ | ۲۶ ایلول سنه ۳۲۸ | تشرین اول ۳ |
| ۳۳۳۲ | ۳ | تشرین اول ۳ |
| ۳۳۳۳ | ۲۵ ایلول | (۱) — اسراء ضابطان و افرادیه منسوبین عسکرینک حق انتخابلری استعمال ایدمه ماملری حقنده |
| ۳۳۳۴ | ۲۵ | (۲) — منسوبین عسکرینک سیاستله منع اشتغاله داثر |
| ۳۳۳۴ | ۳ تشرین اول | (۳) — ادریس ابله عوننه سنک عفوی حقنده |
| ۳۳۳۵ | ۹ | (۱) — وسطی ساعتلر حقنده |
| ۳۳۳۵ | ۱۰ | (۲) — مکاتب عالییه دن مأذون اولوب خدمت دولنده مستخدم بولسانلرک خدمت عسکریندن استثنای حقنده |
| ۳۳۳۵ | ۱۴ | (۳) — محکوم اولان مأمورین معاشاتی حقنده |
| ۳۳۳۶ | ۱۰ حیران | (۱) — اطنه ولایتی استیناف جزا محکمه سی اعلامی |
| ۳۳۴۳ | ۲۰ ایلول | (۱) — ضربک اولای کیمک طرفندن وقوعبو لدیغنه داثر تحقیقات اجرایی لزومنه داثر |
| ۳۳۴۵ | ۲۴ مایس | (۱) — جنایت محکمه سی ضبطنامه سی |



انجمنه عمریه مقرراتی

(۱) — هنوز عهدۀ تصرفه انتقال ایتامش
اولان املا کیدن استیقای مطلوب
چائیز اوله میه جفته دائر
۳۱ تموز سنه ۳۲۸ ۳۳۵۴

محکمۀ تمیز حقوق دأره سنج
ترقیقانی نتیجه یزیر اولاره دعاوی
اعلاماتک لیستسی

۳۳۵۵

قسم غیر رسمی

۳۳۵۹

اهانک تبعه عثمانیه و با حکومت سنه علیزیه
و عثمانیلرک اهانیه قارشو ایقاع
ایدر کتری جبرام « مابهر »
{ تجارت بحریه محکمه سی اعضاسندن جلال الدین
و هرائد آصادور بکلرک

۳۳۶۶

دوما حقوقک محکمترده لزوم
تربسی و مجله ایله حقوق غیریه
آره سنره بعضه مقایسات
{ سابق سسلانیک حقوق فاکولته سی معلملرندن
درسعات و یارس حقوق فاکولته لرندن مأذون
میشون و نظوره افندیکن

